



10362

集千家註杜工部詩集卷之五

洗兵馬

公自注收京後作

春自東都回華州以

後所作

中興諸將收山東捷書夜報清晝同河廣傳聞一葦

過胡危命在破竹中祗殘鄴城不日得獨任朔方無

限功京師皆騎汗血馬回紇餒肉蒲萄宮已喜皇威

清海岱常思仙仗過崆峒三年笛裏關山月萬國兵

前草木風

悲壯少及

成王功大心轉小郭相謀深古來少

司徒清鑒懸明鏡尚書氣與秋天杳二三豪俊為時

出整頓乾坤濟時了東走無復憶鱸魚南飛覺有安

巢鳥青春復隨冠冕入紫禁正耐煙花繞鶴禁通宵

杜集

卷五

鳳輦備雞鳴問寢龍樓曉

不如青春復隨冠冕入紫禁正耐煙花繞有氣象有

風韻攀龍附鳳勢莫當天下盡化為侯王汝等豈知蒙

帝力時來不得誇身強

事外句外常有餘力

關中既留蕭丞相

幕下復用張子房張公一生江海客身長九尺鬚眉

蒼微起適遇風雲會扶顛始知籌策良青袍白馬更何

有後漢今周喜再昌寸地尺天皆入貢奇祥異瑞爭

來送不知何國致白環復道諸山得銀甕隱士休歌

紫芝曲詞人解撰河清頌

每有風韻

田家望望惜雨乾布

穀處處催春種淇上健兒歸莫嬾城南思婦愁多夢

安得壯士挽天河淨洗甲兵長不用

此詩對律甚嚴而春容醞藉

壯集

卷五

二

○趙曰山東乃河北也祿山反先陷河北諸郡至肅

長安自太夜報以東皆山東也建中與之夜報本夕奏

荆公定作夜報已振譬如破竹數節之後迎刃而解無復

傳今兵威已振譬如破竹數節之後迎刃而解無復

著手處矣希曰河廣指河北衛州時子儀破賊十萬

於王師圍之未下夢弼曰自陳濤斜之敗帝唯倚朔

州軍為根本時朔方節度使乃郭餗虎也趙曰汀血

馬出大宛國沈曰朔方節度使乃郭餗虎也趙曰汀血

時回紇送兵五千助帝討賊及師還帝就蒲萄宮宴

勞之前漢匈奴傳元帝西蒲萄園洙曰莊子廣成子

林蒲萄宮長安志有東西蒲萄園洙曰莊子廣成子

在崆峒山黃帝順下風滕行進而問道夢弼曰海謂

謂難喜肅宗已清海岱而常思玄宗避賊幸蜀之際

也鮑曰收復京師以廣平儀為元帥後封楚王又

仗封禮王夢弼曰郭相王儀也司徒李光弼也尚書

王恩禮也時子儀為中書令光弼同中書門下平章

事恩禮也時子儀為中書令光弼同中書門下平章

副之王恩禮為後軍李光弼為河東節度使詔以兵

赴靈武彥輔曰晉張翰見秋風起吳中烏鵲南飛

繞樹三匝無枝可依夢弼曰謝希逸宣貴妃誅收華

紫禁李善注王者之宮象紫微故謂宮中為紫禁魯

曰劉向列仙傳王子喬周靈王太子晉也好吹笙作

鳳鳴七月七日於緜氏山頭乘白鶴舉手謝時人而

去故後世稱太子之駕曰鶴駕宮曰白鶴禁曰鶴禁

曰今日安否何如夢弼曰馳道張晏注門樓上長曲

龍若白鶴飛廉門為名也陳後山曰文選王元長曲

水詩序儲后齋哲在躬出龍樓而問豎入虎闈而齒

胃注龍樓漢太子門名也洙曰楊子攀龍鱗附鳳翼

夢弼曰京師既平以蕭華留守故比之蕭何復以張

鎬為幕府參謀故比之子房也漢高祖紀上曰運籌

帷幄之中決勝千里之外吾不如蕭何東坡志林老杜百

姓給餉之餽不絕糧道吾不如蕭何東坡志林老杜百

張公一用之為帝王師不用則窮谷一叟爾夢弼曰

薦之云用之為帝王師不用則窮谷一叟爾夢弼曰

命虎臣賜汝和鷲黼黻彤戈鄴城指相川海鯨鼉吐
蕃公謂鄴城可緩圖當以討吐蕃為急也鶴曰吐蕃
自至德初陷威戎神威等軍石堡石谷等城二載又
陷西平乾元初又陷河源其侵陵之氣方張故公欲
先以討吐蕃為事也

不歸鶴曰按唐志瀛州為河間郡屬河北當
之從弟死於城中至此已
經三年公有感而作此詩

河間尚征伐汝骨在空城從弟人皆有終身恨不平
數金憐俊邁總角愛聰明面上三年土春風草又生

夢弼曰數金謂從弟幼時識錢數也
數所具切詩總角壯兮注聚兩髦也

獨立鶴曰時公遲回
於華州賦此

空外一鷲鳥河間雙白鷗飄飄搏擊便容易往來遊

杜集

卷五

四

草露亦多濕蛛絲仍未收此必有幽人受禍而羅織
仍未已者如太白鄭度革

人天機近人事獨立萬端憂

所思公白注得台州鄭司戶消息趙
曰度以祿山之汚貶台州司戶

鄭老身仍竄台州信始傳為農山澗曲卧病海雲邊
世已踈儒素人猶乞酒錢徒勞望牛斗無計斲龍泉

洙曰公嘗贈度詩云穎得蘇司業時乞酒錢乞音
氣夢弼曰晉張華傳吳未滅時斗牛之間嘗有紫氣
華聞豫章人雷煥妙達緯象要煥登樓仰觀問其是
何祥也煥曰寶劍之精上徹於天耳華因問在何郡
煥曰在豫章豐城華即補煥為豐城令煥到縣掘獄
屋基得一石函中有雙劍並刻題一曰龍泉一曰大
阿今公取以喻度之貶台州如劍之埋於土但遠望
其有衝斗之氣無計出之也按台州屬吳吳乃牛斗
之分野也斲株玉切掘也

不見

公自注近無李白消息 鶴曰公自開元初白流夜

即說有

不見李生久佯狂真可哀世人皆欲殺吾意獨憐才

敏捷詩千首飄零酒一杯匡山讀書處頭白好歸來

趙曰箕子被髮佯狂按唐史白以永王璘之累流夜

即會赦放還潯陽坐事下獄此世人欲殺之證也 修

可曰范傳正李白新墓碑云白之先客居蜀之彰明

太白生馬彰明綿州之屬邑有大小匡山白讀書於

大匡山有讀書臺尚存其宅在清廬鄉後廢為僧房

號隴西院蓋以太白得名此言匡山乃彰明之大匡

山非潯陽廬江郡之匡廬山也 鶴曰按李白集有望

廬山五老詩云九江秀色可攬結吾將此地巢雲松

又望序山瀑布云而我遊名山對之心益閒且諧宿

所好永願辭人間又南康軍圃經云李白性喜名山

飄然有物外志以廬阜水石佳處遂往遊焉至五老

峰愛其險峭奇勝曰天下之壯觀也卜築於此吾將

社集

老馬今峰下有書堂舊基白後北歸猶不忍去乃指

廬山曰與君再會不敢寒盟丹崖綠壑神其鑿之又

得送姪嵩遊廬山序云慚未歸於名山然則匡山指

祭匡山文

卷五

五

新安吏

公自注收京後作雖收兩京賊猶充

按九域志云縣有二鄉王深父云時郭子儀

等九節度各還本鎮子儀保河陽詔留守東都

諸節度蓋哀出兵之役師曰從新安詔留守東都

無家別蓋紀當時艱師之敗朝廷調諸郡

兵益急難次於盡行秦之請戍無以加此

客行新安道喧呼聞點兵借問新安吏縣小更無丁
府帖昨夜下次選中男行中男絕短小何以守王城
肥男有母送瘦男獨佗傳白水暮東流青山猶哭聲

莫自使眼枯收汝淚縱橫眼枯却見骨天地終無情
我軍取相州日夕望其平豈意賊難料歸軍星散營
就糧近故壘練卒依舊京掘壕不到水牧馬役亦輕
況乃王師順撫養甚分明送行勿泣血僕射如父兄
洙曰伶俜無成單孤貌伶音零傳普丁切夢弼曰就
糧近故壘練卒依舊京此言子儀退軍修備也就糧
言就賊之糧故壘即舊禦祿山之壘言雖取糧於敵
亦不深入但近故壘而已練卒謂訓練其卒舊京即
東都時子儀保河陽詔留守東都鄭曰僕射郭子儀
也趙叟曰至德二載子儀授左僕射冬拜司徒乾元
初進中書今而此詩猶云僕射者蓋
功賞著於僕射時言者不移其初也

石壕吏

夢弼曰石壕屬邠州宜保縣即漢鵠
縣地昔北狄侵太玉於此築城壕

以禦之其地在新安西即西峭也

杜集

卷五

六

暮投石壕村有吏夜捉人老翁踰牆走老婦出門看
吏呼一何怒婦啼一何苦聽婦前致詞三男鄴城戍
一男附書至二男新戰死存者且偷生死者長已矣
室中更無人惟有乳下孫孫有母未去出入無完裙
老嫗力雖衰請從吏夜歸急應河陽役猶得備晨炊
夜久語聲絕如聞泣幽咽天明登前途獨與老翁別
希曰時鄴城師潰子儀以朔方軍斷河陽橋保東京
東京士民驚駭散奔山谷子儀在河陽將謀城守人
又驚奔諸將繼至衆及數萬議還東京退保蒲陝都
虞侯張濟曰蒲陝荐饑不如守河陽子儀從之用濟
役所部兵築南
北兩城而守之

新婚別

兔絲附蓬麻引蔓故不長嫁女與征夫不如棄路傍
結髮為妻子席不暖君牀暮婚晨告別無乃大忽忙
君行雖不遠守邊赴河陽妾身未分明何以拜姑嫜
父母養我時日夜令我藏生女有所歸雞狗亦得將
君今往生地沉痛迫中腸誓欲隨君往形勢反蒼黃
勿為新婚念努力事戎行婦人在軍中兵氣恐不揚
自嗟貧家女久致羅襦裳羅襦不復施對君洗紅粧
仰視百鳥飛大小必雙翔人事多錯迕與君永相望
曲折詳至縷縷凡○洙曰詩篇與女蘿施於松柏毛
七轉微顯條達○傳薦寄生也蘿兔絲松柏也陸
機草木疏免絲連草上生其色黃赤今藥中兔絲子
是也在草曰兔絲在木曰松蘿古詩云與君為新婚

杜集

卷五

七

兔絲附女蘿趙曰今公詩意謂兔絲當附松柏而乃
附蓬麻為不得其所以矣洙曰蘇武詩結髮為夫妻恩
愛兩不疑夢弼曰文子墨無黔突孔無暖席又淮南
子云墨子無暖席希曰守邊赴河陽注詳見前詩夢
弼曰禮既明白然後稱人嫁三月告廟上墳始謂之成
婚故曰妾身未分何以拜姑嫜呂曰陳琳飲馬長
城窟行善事新姑嫜此姑嫜字所出也夢符曰前漢
廣川王去為幸姬陶望卿作歌曰背尊章嫖以忽顏
歸也夢弼曰孫武兵法書置女有所歸蓋婦人謂嫁曰
驅陷也洙曰北山移文蒼黃反覆者何也軍中豈
有女子乎始軍出時關東羣盜徙邊者隨軍為卒
妻婦大匿軍中陵搜得皆斬之鄭曰襦沙朱切短衣
也夢弼曰左傳施氏婦曰鳥獸猶不失儷子將若何
趙迕注錯雜交迕也

垂老別

四郊未寧靜垂老不得安子孫陣亡盡焉用身獨完
投杖出門去同行為辛酸幸有牙齒存所悲骨髓乾
男兒既介曹長揖別上官老妻卧路啼歲暮衣裳單
孰知是死別且復傷其寒此去必不歸還聞勸加餐
土門壁甚堅杏園度亦難勢異鄴城下縱死時猶寬
人生有離合豈擇哀盛端憶昔少壯日遲迴竟長歎
萬國盡征戍烽火被岡巒積屍草木腥流血川原丹
何鄉為樂土安敢尚盤桓棄絕蓬室居塌然摧肺肝
夢弼曰長安地有杏園土門去京城七十里時史思明殺安慶緒自立為帝土門杏園皆嚴備以待故公謂其不北九節度之師潰於鄴城也鶴曰土門與杏園俱在長安按舊史志土門縣舊屬宜州後廢宜又

杜集

卷五

八

改為美原屬京兆杏園如史稱乾元元年十月郭子儀引兵自杏園濟河東至獲嘉者是也至如史稱哥舒翰至土門軍入洛遵疾及李光弼以朔方兵五千出土門東救常山此在河北鎮州常山郡獲鹿縣有土門關即舊井陘關是也公詩多用土門名雖同而地異當以詩意詳之

無家別

寂寞天寶後園廬但蒿藜我里百餘家世亂各東西
存者無消息死者為塵泥賤子因陣敗歸來尋舊蹊
久行見空巷日瘦氣慘悽經歷多矣無如此語之在目前者但對狐
與狸豎毛怒我啼四鄰何所有一二老寡妻宿鳥戀
本枝安辭且窮棲方春獨荷鋤日暮還灌畦縣吏知
我至召令習鼓鞞雖從本州役內顧無所攜近行止

一身遠去終轉迷家鄉既盪盡遠近理亦齊寓至此亦無復

餘恨此其永痛長病母五年委溝谿生我不得力終

身兩酸嘶人生無家別何以為蒸黎夢弼曰安史之亂自天寶十四

年始鶴曰賤子因陣敗謂當時鄴城之師潰也夢弼

曰宿鳥戀本枝安辭且窮棲言戍卒歸來雖聞巷蕭

條然人情之於鄉猶鳥之戀故枝不以窮棲而為

辭也鞞與鞞同戰鼓也鶴曰五年委溝谿殆謂天寶

十四載祿山反時調役到

今乾元二年是為五年矣

夏日歎鶴曰按史是年三月丁亥以旱降死

徙市雲 祭祈雨

夏日出東北陵天經中街朱光徹厚地鬱蒸何由開

上蒼久無雷無乃號令乖雨降不濡物良田起黃埃

灶集

飛鳥苦熱死池魚涸其泥萬人尚流冗舉目唯蒿萊

至今大河北盡作虎與豺浩蕩想幽薊王師安在哉

對食不能食我心殊未諧眇然貞觀初難與數子偕

夢弼曰夏日出良正東北也中街黃道之所經也趙

曰楚辭陽杲杲其朱光夢弼曰萬人尚流冗散也

光武詔曰流冗道路朕甚愍之和帝遣使分行貧民

舉實流冗洙曰當祿山反首陷河北諸郡祿山為范

陽節度使幽州薊門即范陽郡是其節制之地也師

蓋傷今 思古也

夏夜歎

永日不可暮炎蒸毒我腸安得萬里風飄飄吹我裳

昊天出華月茂林延疎光仲夏苦夜短開軒納微涼

虛明見纖毫羽蟲亦飛揚物情無巨細自適固其常
念彼荷戈士窮年守邊疆何由一洗濯執熱互相望
竟夕擊刁斗喧聲連萬方青紫雖被體不如早還鄉

北城悲笳發鸛鶴號且翔况復煩促倦激烈思時康

洙曰漢李廣傳注刁斗以銅作鑊受一斗晝炊飯食
夜擊持行名曰刁斗鶴曰通鑑云至德二載四月郭
子儀軍屯蒲西與安守忠戰敗後府庫無積蓄朝廷
專以官爵賞功及清渠之敗復以官爵收散卒由是
應募入軍者一切衣金紫馬魯曰張茂先詩煩促
每有餘陶潛誄簡棄煩促蘇子卿詩長歌正激烈

立秋後題鶴曰按公傳為華州司功屬闕輔
餓棄官去客秦州是詩欲棄官時

作也○乾元二年秋七月
棄官之秦州以後所作

日月不相饒節叙昨夜隔玄蟬無停號秋燕已如客

杜集 卷五 十

平生獨往願惆悵年半百罷官亦由人短語
名言何事拘

形役鶴曰是年公四十八今云半百舉成數而言也
洙曰陶淵明歸去來辭既自以心為形役奚惆

悵而
獨悲

赤谷西崦人家崦衣檢切師曰按地理志秦
州有崦嵫山在赤谷之西昔
曹操與劉備戰於此谷川水為之丹因號曰
赤谷公棄官之秦州宿於赤谷西崦人家因
有此

躋險不自安出郊已清目溪迴日氣暖逕轉山田熟

鳥雀依茅茨藩籬帶松菊如行武陵暮欲問桃源宿

洙曰晉陶淵明桃花源記晉太康中武陵人捕魚沿
溪而行忽逢桃花夾岸漁人異之復行窮林見一山
便從山口入土地平曠邑屋連接黃髮垂髫怡然
樂見漁人乃大驚問所從來邀還家設酒食自云先

世避秦亂來此不知有漢無論晉魏也漁人數日辭去既出迷不復得路

昔遊

之秦州時作也

鶴曰按此詩殆是記昔時遊齊宋間事而詩末云胡為客關塞道意久哀薄乃

昔謁華蓋君綠袍崑玉脚人棺已上天白日亦寂寞
暮升良岑頂巾几猶未却弟子四五人入來淚俱落
余時遊名山發軔在遠壑良覲違夙願含淒向寥廓
林昏罷幽磬竟夜伏石閣王喬下天壇微月映皓鶴
晨溪嚮虛駛歸徑行已昨豈辭青鞋胝悵望金七藥
東蒙赴舊隱尚憶同志樂伏事董先生於今獨蕭索
胡為客關塞道意久哀薄妻子亦何人丹砂負前諾

杜集

卷五

十一

雖悲髮鬢變未憂筋力弱杖藜望清秋有興入廬霍

夢弼曰華蓋山在伊洛間神仙傳昔周王子喬養道於華蓋山後昇仙號華蓋君天降玉棺於堂上喬遂沐浴其中由是尸解又漢方術傳王喬有神術嘗為葉令後天降玉棺於堂前吏人推排終不搖動喬曰天帝獨召我耶乃沐浴服飾寢其中蓋便立覆宿昔葬於城東自成墳其夕縣中牛皆流汗喘乏而人無知者百姓乃為立廟號葉君祠或云即古仙人王子喬又劉向列仙傳王子喬周靈王太子晉也好吹笙作鳳鳴遊伊洛間道士浮邱公接上嵩山後白鶴至良曰告我家七月七日待我緱氏山上頭果乘白鶴至山頂舉手謝時人而去洙曰良岑東北也離騷朝發軔於蒼梧謝靈運詩引領奠良覲疾也奕士切又疏更切胝足病也張尼切莊子手足胼胝夢弱蒙峰已佩含景蒼精龍董先生謂董京威即衡陽董鍊師也行吟常宿白社之中乞市肆得碎繒結以自履烏漢武帝曰吾得如黃帝棄妻子如脫屣耳又費長房棄妻子從壺公晉葛洪求勾漏令以鍊丹砂翼

真忍切密也一作髮變翼詩翼髮如雲謝元暉詩有情知望鄉誰能翼不變希曰廬山在九江霍山在衡陽爾雅霍山為南嶽人云衡山一名霍

佳人

絕代有佳人幽居在空谷自云良家子零落依草木

關中昔喪亂兄弟遭殺戮官高何足論不得收骨肉

世情惡衰歇萬事隨轉燭夫婿輕薄兒新人美如玉

閒中冷語無不可感合昏尚知時鴛鴦不獨宿但見

此豈初意與題事哉新人笑那聞舊人哭在山泉水清出山泉水濁侍婢

賣珠迴牽蘿補茅屋似悲似訴自言自誓矜持慷慨

及能摘花不插髮采柏動盈掬天寒翠袖薄日暮倚脩

杜集

卷五

竹字字矜到而不艱棘畫不容盡○陳曰李延年歌北方有佳人在絕

谷夢弼曰石季倫王昭君詞匈奴盛請婚於漢元帝

以後官良家子亂焉關中即長安謂經祿山之亂也

顏如玉定功曰本草云合歡即夜合也人家多植庭

除間一名合婚陳藏器云其葉至昏即合故曰合昏

天覺曰周處風土記云合昏檉也孝祥曰陸無刻漏

銘曰合昏暮捲冀茨朝開趙曰崔豹古今注鴛鴦鳥

類也雌雄未嘗相離人得其一一思而死故謂之匹

珠為事詩終朝采綠不盈一掬有懷台州鄭十八司戶

公自注度時坐汚賊賤台州司戶

天台隔三江風浪無晨暮鄭公縱得歸老病不識路

便不昔如水上鷗今如置中兔性命由他人悲辛但

可堪狂顧山鬼獨一脚蝮蛇長如樹呼號旁孤城歲月誰

與度從來禦魑魅多為才名誤夫子嵇阮流更被時俗惡海隅微小吏眼暗髮垂素黃帽映青袍非供折

腰具平生一杯酒見我故人遇相望無所成乾坤莽

迴互師曰天台山在台州三江一錢塘二楊子三吳

出岷山北江所出東注大江公時在秦故言天台隔

三上鷹也夢弼曰置斜切兔罟也希曰鮑照詩昔如

曰夔魍魎也夢符曰屈原九歌有山鬼夢弼曰蝮音

覆大蛇也山海經蝮蛇色如綬文大者百餘斤左傳

舜流四凶投諸四裔以禦魑魅詩云才名四十年

為人害者夢弼曰按公集有贈虔詩云才名四十年

籍也嵇康書云阮嗣宗為禮法之士所繩故疾之為

仇夢弼曰海隅微小吏蓋台州在海之隅彭澤令郡

吏矣師曰黃帽乃竹籜冠也洙曰陶潛為彭澤令郡

遣督郵至縣吏白應束帶見之潛歎曰吾不能為五

斗米折腰拳拳事鄉里小兒夢弼曰平生一杯酒見

我故人遇蓋虔為人放蕩性頗嗜酒按公集有贈虔

醉時歌云得錢即相覓沽酒不復疑是也

遣興五首

蟄龍三冬卧老鶴萬里心昔時賢俊人未遇猶視今

嵇康不得死孔明有知音又如壠底松用舍在所尋

大哉霜雪幹歲久為枯林上字反覆可○夢弼曰晉

字叔夜嘗著養生論鍾會以舊憾言於文帝曰嵇康

卧龍也不可起公無憂天下顧以康為慮耳因諧康

欲助母邱儉帝遂害之刑於東市蜀志諸葛亮傳亮

也將軍宜枉駕顧之先
昔者龐德公未曾入州府襄陽耆舊間處士節獨苦

豈無濟時策終竟畏羅罟林茂鳥有歸水深魚知聚
舉家隱鹿門劉表馬得取洙曰後漢逸民傳龐公者襄陽人也居峴山之南未

嘗入城府夫妻相敬如賓荆州刺史劉表數延請不
能屈乃就候之謂曰夫保全一身執若保全天下乎

龐公笑曰鴻鵠巢於高林夫趣舍行止亦人之巢穴
於深淵之下夕而得所宿夫趣舍行止亦人之巢穴

也且各得其栖而巳因釋耕於壟上而妻子耘於前
表指而問曰先生良苦畝畝之以危今獨遺之以何

以遺子孫乎龐公曰世人皆遺之以表歎息而去後遂携
安雖所遺不同未為無所遺也表歎息而去後遂携

其妻子登鹿門山因采藥不反秦曰襄陽記云鹿門
山舊名蘇嶺山襄陽侯習郁立神祠於山刻二石鹿

夾道口俗因謂之鹿門廟又以其名其山焉

陶潛避俗翁未必能達道觀其著詩集頗亦恨枯槁

達生豈是足默識蓋不早有子賢與愚何其掛懷抱

杜集 卷五 六

夢弼曰按陶淵明集有責子詩云白髮被兩鬢肌膚
不復實雖有五男兒總不好紙筆阿舒已十三不識

故無匹阿宣有志學而不愛文術雍端苟如此且進
六與七通子垂九齡但覓梨與栗天運苟如此且進

杯中物又有命子詩云夙興夜寐願爾斯才爾之不
才亦已焉哉趙曰公因陶潛而有所悟故於此詩非

直詆陶也陶集中如楚詞詩夏日長抱饑寒夜無被
眠飲酒詩顏淵故為仁長饑至於老雖留身後名一

責子詩想見其人慈祥戲謔可觀也俗人便謂淵明
諸子皆不肖而淵明三川見於詩耳又云杜謂淵明

與詩蓋子美嘗困於三川武失學公故寄之淵明以
生事又往往識議宗文宗武失學公故寄之淵明以

解嘲耳其詩名曰遣興可解也俗人不領便以為譏
病淵明所謂癡人

賀公雅吳語在位常清狂上疏乞骸骨黃冠歸故鄉
爽氣不可致斯人今則亡山陰一茅宇江海日清涼

洙曰唐賀知章字季貞越州人

先曰季貞清談風流吾一日不見則鄙吝生矣開元

間遷禮部侍郎兼集賢學士一日併謝宰相嘗稱曰

賀公兩命之榮足為光寵晚節尤誕放自號四明狂

客為秘書外監天寶初夢游帝居寤乃請為道士還

鄉里詔許之以宅為千秋觀賜鏡湖一曲夢弼曰世

說劉真長見王丞相既出入問見王公云何荅曰未

見他異唯聞作吳語耳孝祥曰語林真長云丞相何

奇止能作吳語及細垂也洙曰晉王徽之為桓沖泰

軍沖嘗謂徽之曰卿在府日久比當相料理徽之初

不酬荅直高視以手版拄頰云西山朝來致有

爽氣耳夢弼曰山陰越州也在會稽之北故名

吾憐孟浩然衲褐即長夜賦詩何必多往往凌鮑謝

清江空舊魚春雨餘甘蔗蔗近禪人隱鹿門山以

人幾悲吒鶴曰唐舊史孟浩然襄陽人隱鹿門山以

齡署為從事與之唱和不顯遠而卒按賦詩何必多

往往凌鮑謝乃浩然詩也公就舉之魯嘗曰浩然峴

杜集 卷五 十五

潭詩云試垂竹竿釣果得槎頭編王士源為浩然詩

集序曰灌園蔬圃曰浩然襄陽人裏陽在秦州之東

藪之舊處也夢弼曰浩然襄陽人裏陽在秦州之東

南公寓秦州故望東南之雲而悲吒耳趙曰南史范

曄在獄中為士題扇曰即長夜之悠悠夢弼曰鮑謂

明遠謝謂三謝乃玄暉靈運惠連也吒陟駕切叱怒

作也正 遣興二首

天用莫如龍有時繫扶桑頓轡海徒涌神人身更長

性命苟不存英雄徒自強吞聲勿復道真宰意茫茫

夢弼曰漢志天用莫如龍地用莫如馬易乾卦時乘

六龍以御天也十洲記扶桑在碧海中兩樹同根更

相依倚故曰扶桑楚辭劉向九歎維六龍於扶桑

曹植書曰不我與思仰六龍之首頓羲和之轡

地用莫如馬無良復誰記此日千里鳴追風可君意

君看渥洼種態與駑駘異不雜蹄齧聞逍遙有能事
易坤卦牝馬地類行地無疆良謂良馬也崔豹古今注始皇有馬曰追風漢書馬生渥洼水中

秦州雜詩二十首
夢弼曰唐志秦州天水郡屬隴右道又州記云前臨

湖水夏不益冬不縮

滿目悲生事因人作遠遊遲迴度隴怯浩蕩及關愁

只作及水落魚龍夜山空鳥鼠秋西征問烽火心折

此淹留
夢弼曰三秦記隴西關其坂九迴不知高幾百丈望秦川長安如帶洙曰秦有魚龍川鳥

鼠谷鳥鼠即禹貢鳥鼠同穴之地沈曰水經注一水發源天水縣其水出五色魚俗以為龍而莫敢捕因

謂之魚龍水又山下通謂之魚龍川東坡曰倦遊錄云隴州地名魚龍又下石魚掘地破石得之多鱖魚錄

形鱗鬣皆具一如描畫魚龍古之陂澤也豈非魚生其中山積塞久上板為石遂留形迹耶希曰爾雅釋

社集
卷五

鳥鼠同穴山在隴西首陽縣鄭曰禹貢注鳥鼠共為雄雌同穴而炭夢弼曰西征問烽火謂吐蕃之亂也

洙曰別賦心折骨驚

秦州城北寺傳是隗囂宮苔蘚山門古丹青野殿空

月明垂葉露雲逐度溪風
可言雲逐風不可言風逐雲詩本不須如此評以論

兒清渭無情極愁時獨向東
城北寺一作勝跡先生定城是一作勝跡先生定城

輦傳是三字洙曰後漢隗囂據隴西天水郡今城北寺即隗囂故居也囂五高切夢弼曰後漢志隴西郡

首陽山渭水所出趙叟曰寺枕秦山下接渭水渭水東流長安

州圖領同谷驛道出流沙降虜蕪千帳居人有萬家

馬驕朱汗落胡舞白題斜年少臨洮子西來亦自誇

鷲曰秦州都督府督天水隴西同谷三郡故云領同谷圖謂國志也泥沙即書所謂西被於泥沙唐使者

使吐蕃過鄯州之西赤嶺分界牌即經莫離那錄驛
又至衆龍驛故曰驛道夢胡舞白題斜朱汗已見他詩
帳正異曰馬驕朱汗落胡舞白題斜朱汗已見他詩
舊與雅題同正文作蹄非也夢符曰按南史裴子野
義與西題遠有白題入貢莫知所出胡曰漢穎
傳侯斬胡白題將一人服虔注曰泚州為臨泚郡亦
陰也其俗白題將一人服虔注曰泚州為臨泚郡亦
屬隴右鶴曰臨泚人勇勁可備守禦如通鑑載大曆
間李抱玉使右軍都將臨泚李晟擊吐蕃晟
將千人出大震關至臨泚屠定秦堡是也
鼓角緣邊郡川原欲夜時秋聽啟地發殷字切近悲
聲猶風散入雲悲抱葉寒蟬靜歸山獨鳥遲真賦鼓
萬方聲一概吾道竟何之

南使宜天馬由來萬匹強浮雲連陣沒秋草徧山長

杜集

卷五

七

聞說真龍種仍殘老驕驕哀鳴思戰鬪迫立向蒼蒼

趙曰漢書張騫使西域初天子發易卜之曰神馬當
從西北來騫還得鳥孫馬名曰天馬左傳唐成公如
楚有兩驕驕馬唐人語以餘為殘今公蓋言仍餘驕
驕而不為用也鶴曰秦州有馬池源出嶧冢山又開
出圖云隴西神馬山有泉乃龍馬所生此篇公或指
此而賦也希曰或云真龍種喻元帥廣平王俶也老
驕驕公
自喻也

城上胡笳奏山邊漢節歸防河赴滄海奉詔發金微

士苦形骸黑林疎鳥獸稀那堪往來成恨解鄴城圍

恨復以○鶴曰滄海本號渤海郡去海為近滄舒曰
我解圍○按續唐通典羈糜州有金微隸振武軍趙
曰此言防河之士自金微而發據

莽莽萬重山孤城山谷間無風雲出塞妙處窳不夜

目得之不夜

月臨關屬國歸何晚樓蘭斬未還煙塵一長望衰颯

正摧顏全首○趙曰今秦州有無風塞不夜城乃後

無風塞不夜城西夏有其地王韶經略西邊親至其

處或曰不夜蓋月如晝也田曰齊地記齊有不夜城

蓋古者有日夜中照於東境萊子立此城以不夜為

名洙曰漢蘇武使匈奴歸拜為典屬國傳介子傅先

是龜茲樓蘭嘗殺使者介子持節至樓蘭

刺樓蘭王持首還詔封介子為義陽侯

聞道尋源使從天此路回牽牛去幾許宛馬至今來

無緊要有風刺○一望幽燕隔何時郡國開謂不得

只是長騫寫得好

東征健兒盡羗笛暮吹哀朱曰張騫傳騫使西域窮

武帝令張騫使大夏尋河源乘槎經月而一處見

女織於室丈夫牽牛飲河問此是何處答曰可問嚴

君平夢弼曰漢書張騫使西域言大宛多善馬武帝

求馬於宛不肯與乃以李廣利伐宛宛遂出其馬洙

杜集

卷五

十八

今日明人眼臨池好驛亭叢篁低地碧高柳半天青

稠疊多幽事喧呼閱使星此語可媿當路者老夫如有

此不異在郊垆夢弼曰後漢李邵善河圖風星和帝

到益部投節候舍時夏夕露坐邵問仰觀問二君指

京師時寧知朝廷遣使耶二驚因何以知之邵指

星示云有二使星向益州分野故知

之耳洙曰晉天文志流星天使也

雲氣接崑崙淅淅塞雨繁羗童看渭水使客向河源

煙火軍中幕牛羊嶺上村所居秋草靜正閉小蓬門

鶴曰爾雅崑崙之墟方八百里高萬

仞渭水河源見前詩注淅鋤簪反

蕭蕭古塞冷漠漠秋雲低黃鵠翅垂雨蒼鷹饑啄泥

薊門誰自北漢將獨征西不意書生耳臨衰厭鼓鞞

夢弼曰幽州薊門時為史思明所據誰自北言收復者誰也或曰言無人北還也鮑照有出自北門行云募騎屯廣武分兵救朔方投軀報明主身死為國殤征西指當時討吐蕃也漢岑彭為征西將軍

山頭南郭寺水號北流泉老樹空庭得妙在清渠一

邑傳傳者所在皆此泉也秋花危石底晚景卧鍾邊俛仰悲身

世溪風為颯然夢弼曰秦州記天水縣界無山有水一派北流入長道縣界

傳道東柯谷深藏數十家對門藤蓋瓦映竹水穿沙

瘦地翻宜粟陽坡可種瓜船人近相報但恐失桃花

一様事寓○趙叟曰秦州枕上麓地曰東柯谷曰西得流麗枝村公姪佐先卜築東柯谷集中有佐

杜集 卷五 九

還東柯谷詩及有西枝村宿贊公土室詩天水圖經載秦州隴城縣有杜工部故居及工部姪佐草堂在東柯谷之南麥積山瑞應寺上夢弼曰末

句借用桃源事或引三月桃花水誤矣

萬古仇池穴潛通小有天神魚久不見福地語真傳

近接西南境長懷十九泉何時一茅屋送老白雲邊

九十九泉此名十九隨意彷彿記其一二○鮑曰按唐志仇池同谷縣有仇池與秦城接壤東坡曰趙德麟曰仇池有洞有九十九泉之附庸也王仲至謂余曰吾嘗奉使至仇池有九十九泉之附庸也王仲至謂余曰吾嘗

桃源洙曰世傳仇池有地穴通小有洞中出神魚食之者仙師曰末句公有卜居之意也

未暇泛滄海悠悠兵馬間塞門風落木客舍雨連山

對得阮籍行多興龐公隱不還東柯遂踈懶休鑷鬢

毛斑夢弼曰晉阮籍時率意獨駕不由徑路車跡所窮輒慟哭而反後漢龐德公登鹿門山採藥不

毛斑夢弼曰晉阮籍時率意獨駕不由徑路車跡所窮輒慟哭而反後漢龐德公登鹿門山採藥不

不返東柯
見前詩注

東柯好崖谷不與眾峰羣落日邀雙鳥急歸何足道

晴天卷片雲野人吟險絕水竹會平分採藥吾將老

童兒未遣聞夢弼曰水竹會平分謂谷中之人以竹筒引水也

邊秋陰易夕不復辯晨光簷雨亂淋幔山雲低度墻

鷓鴣窺淺井蚯蚓上深堂車馬何蕭索門前百草長

地僻秋將盡山高客未歸塞雲多斷續邊日少光輝

警急烽常報傳聞檄屢飛西戎外甥國何得近天威

容或作夜鶴曰漢書注邊方備胡寇夜然火以相告曰烽師曰說文檄以木簡為書長尺二以徵軍也若有急則揮以雞羽謂之羽檄蒼舒曰按唐書貞觀間以文成公主景龍間以金城公主下嫁吐蕃乾元初

杜集

卷五

五

肅宗以幼女寧國公主下嫁回紇又按贊普遣名悉躡奉表言甥先帝舅顯親也又贊普曰我與唐舅甥也

鳳林戈未息魚海路當難候火雲峰峻懸軍幕井乾

風連西極動此動字與星臨萬戶較奇月過北庭寒故老

思飛將何時議築壇鶴曰唐志河州有鳳林縣北有鳳林關夢弼曰候海縣名郭子

儀取魚海五縣是也懸軍如鄧艾伐蜀懸軍深入夢符曰周禮挈壺氏掌挈壺以令軍井注謂為軍穿井井成挈壺懸其上令

軍中士衆皆望見知屯下有井壺所以盛飲故以壺表井趙曰易井收勿幕注井口曰收勿幕則勿遮幕

之彥輔曰李廣為北平太守匈奴號曰漢飛將軍魯韓信為大將軍

唐堯真自聖野老復何知曬藥能無婦應門亦有兒

藏書聞禹穴讀記憶仇池為報駕行舊鶴鶴在一枝
趙曰唐堯謂肅宗野老公自謂也逸曰君自聖則忠
謙不聞公微言以託諷也沫曰李令伯陳情表內無
應門五尺之童夢弼曰括略云會稽山有石穴委曲
黃帝藏書於此禹得之又吳越春秋禹藏書之所故
謂之禹穴也仇池記云仇池百頃周四千四百步
東西二門上則岡阜低昂泉流交灌趙曰駕行指當
日同在禁省之輩莊子
鷓鴣巢林不過一枝

野望

清秋望不極迢遞起曾陰遠水兼天淨屯畫似可百里孤城

隱霧深葉稀風更落山迥日初沉獨鶴歸何晚昏鷓

已滿林不必自來處自是好

天河

杜集

卷五

三

常時任顯晦秋至最分明縱被微雲掩終能永夜清

甚似忠愛含星動雙闕伴月落邊城牛女年年度何曾風

浪生句意渾渾稱題其弟曰織女當渡河諸仙悉還宮弟

問曰織女何事渡河答曰織女暫詣牽牛

東樓

萬里流沙道征西過此門但添新戰骨不返舊征魂

樓角凌風迥城陰帶水昏傳聲看驛使送節向河源

鶴曰流沙在西之極乃吐蕃所居之城趙曰征西從言西行之人也時遣使與吐蕃和好故末句借張騫

奉使尋河源事

山寺

夢弼曰按天水圍經隴城縣東柯谷之南麥積山有瑞應寺山形如積麥佛龕

剝石閣道縈旋上下千餘尺山下水縱橫可
涉又玉堂閒話隴城縣東柯僧院甚有幽致
高檻可以眺遠虛牕可
以來風遊人如市也

野寺殘僧少山園細路高麝香眠石竹鸚鵡啄金桃

不論如何亂水通人過懸崖置屋牢上方重閣晚百

自是麗句亂水通人過懸崖置屋牢上方重閣晚百

里見織毫夢弼曰麝香小鳥隴蜀人謂之麝香鶴或

按禰衡鸚鵡賦命虞人於隴坻也僧舍多種之鶴曰

有隴俗輕鸚鵡之句則知鸚鵡隴右所產也金桃色

如杏七八月熟定功曰爾雅釋水正

絕沅曰亂書亂於河詩涉渭為亂

秋日阮隱居致薤三十束鶴曰阮隱

隱者柴門內畦蔬遶舍秋盈筐承露薤不待致書求

東比青芻色圓齊玉筋頭衰年關鬲冷味暖併無憂

壯集

夢弼曰陶隱居本

草云薤性溫補

從人覓小胡孫許寄

人說南州路山猿樹樹懸舉家聞若欬為寄小如拳

預晒愁胡面初調見馬鞭許求聰慧者童稚捧應顛

此等甚無取者亦在卷中
計必未嘗選未嘗遺也
是胡孫而首句以
山猿為詞何耶
趙曰晉傳玄鷹賦狀如
愁胡復齋謾錄云詩題

蕃劍

致此自僻遠又非珠玉裝如何有奇怪每夜吐光芒

虎氣必騰上龍身寧久藏風塵苦未息持女奉明王

趙曰晉張華與雷煥共尋天文見斗牛間常有紫氣
煥曰寶劍之精上徹於天耳即補煥為豐城令掘縣

獄基得雙劍留一自佩送一與華羊誅失劍所在煥卒其子持劍行經延平津劍忽於腰間躍出墜水但見兩龍各長數丈於是失劍也

銅餅

亂後碧井廢時清瑤殿深銅餅未失水百丈有哀音側想美人意應悲寒甃沉蛟龍半缺落猶得折黃金
八句意 ○夢弼曰風俗通甃聚磚修井也甃側救切正員 ○未句謂井中或得斷釵遺珥如蛟龍之狀者

寓目

一縣蒲萄熟秋山首蒂多
二物皆遠致今溢於中國

矣 闕雲常帶雨塞水不成河 羗女輕烽燧胡兒制駱

杜集

卷五

駝自傷遲暮眼喪亂飽經過
沈曰永徽圖經曰蒲萄生隴西五原燉煌山谷今處處有之趙曰邊方燃火曰烽舉煙曰燧蓋寇至以相告也山谷曰制讀為掣同俗音作徹耳

即事

趙曰回紇助討祿山收長安有功請婚肅宗以寧國公主下嫁可汗死公主以無子得還鶴曰公主自回紇歸乃是年八月也

聞道花門破和親事却非人 憐漢公主生得渡河歸

秋思拋雲髻腰支賸寶衣
腰支語不典豈所羣凶猶以賦漢公主者

索戰迴首意多違
鶴曰花門謂回紇也注詳見前夢

寇故云回首意多違也

歸燕

不獨避霜雪其如儔侶稀四時無失序八月自知歸
春色豈相訪衆雛還識機故巢儻未毀會傍主人飛

促織

促織甚微細哀音何動人草根吟不穩牀下夜相親
久客得無淚故妻難及晨悲絲與急管感激異天真

結得灑落更自可悲

螢火

幸因腐草出敢近太陽飛未足臨書卷時能點客衣
隨風隔幔小帶雨傍林微十月清霜重飄零何處歸

蕙葭

杜集

卷五

五

摧折不自守

便異

秋風吹若何暫時花戴雪幾處葉沉

波體弱春苗早叢長夜露多江湖後搖落亦恐歲蹉

跂

苦竹

青冥亦自守軟弱強扶持味苦夏蟲避叢卑春鳥疑
軒墀曾不重剪伐欲無辭幸近幽人屋霜根結在茲

日暮

日落風亦起城頭烏尾訛黃雲高未動白水已揚波
羌婦語還哭胡兒行且歌將軍別換馬夜出擁彫戈

修可曰漢桓帝時京師童謡云城上烏尾畢逋後山曰訛以言驚動也(夢弼曰)毛萇詩傳訛動也

夕烽

夕烽來不近，每日報平安。塞上傳光小，雲邊落點殘。

照秦通警急，過隴自艱難。聞道蓬萊殿，千門立馬看。

夢弼曰：唐六典：唐鎮戍烽候所至，大率相去三十里。每日初夜放煙一炬，謂之平安火。鶴曰：烽有報平安

火如哥舒翰潼關之敗，翰麾下來告急，上遣李福等將藍牧兵赴潼，及暮平安火不至，上始懼是也。

秋笛

清商欲盡奏，笛外奏苦血霑衣。他日傷心極，征人白

骨歸相逢恐，恨過故作發聲微。不見秋雲動，悲風稍

稍飛。

擣衣

杜集

卷五

三五

亦知戍不返，秋至拭清砧。已近苦寒月，况經長別心。

寧辭擣衣倦，一寄塞垣深。用盡閨中力，君聽空外音。

此晚唐極力。○夢弼曰：垣，邊城也。蔡邕上疏云：秦築彷彿之者。長城漢起塞垣，所以別內外，置殊俗。

月夜憶舍弟 鶴曰：時公之三弟在河南齊許二州。

戍鼓斷人行，秋邊一鴈聲。露從今夜白，月是故鄉明。

淺淺語使人愁。有弟皆分散，無家問死生。寄書長不達，况乃

未休兵。

遣興

干戈猶未定，弟妹各何之。拭淚霑襟血，梳頭滿面絲。

地卑荒野大，天遠暮江遲。衰疾那能久，應無見汝期。

夢李白二首

趙曰白坐永王璘事當諫郭子儀請解官贖罪詔長流夜郎會

赦還潯陽復坐事下獄潯陽即今江州屬江南道

死別已吞聲生別常惻惻

使其死耶當不復哭矣乃使人不能忘者生別故也

江南瘴癘地逐客無消息故人入我夢明我長相憶

恐非平生魂路遠不可測魂來楓林青魂返關塞黑

今君在羅網何以有羽翼落月滿屋梁猶疑照顏色

偶然實境不可更過水深波浪濶無使蛟龍得

宋玉神女賦其始來也耀乎若白日初出照屋梁其少進也皎若明月舒其光彥輔曰西清詩話云太白

歷見司馬子微謝自然賀知章或以為可與神遊八極之表或以為謫仙人其風神超邁英爽可知後世

詞人狀其風貌者多矣亦間於丹青見之俱不若少陵云落月滿屋梁猶疑照顏色熟味之百世之下想

杜集

卷五

三六

見風采此與李太白傳神詩也

浮雲終日行遊子久不至

此兩詩起語三夜頻夢君

情親見君意

人情鬼語偏極苦味告歸常局促苦道來不易江

湖多風波舟楫恐失墜出門搔白首苦負平生志

寶主語冠蓋滿京華斯人獨顛顛

語出情痛自別孰云網恢

恢將老身反累千秋萬歲名寂寞身後事

結極慘黯情至語塞○長篇中不甚切摘看又別○淡曰古詩浮雲蔽白日遊子不顧反老子天網恢恢疎而不漏晉張翰曰使我有身後名不如即時一杯酒

阮籍詩千秋百歲後榮名安所之遣興三首

下馬古戰場四顧但茫然風悲浮雲去黃葉墜我前

朽骨穴螻蟻又為蔓草纏故老行歎息今人尚開邊

漢虜互勝負封疆不常全安得廉頗將三軍同晏眠

修可曰莊子在上為鳥為食在下為螻蟻食洙曰江淹恨賦蔓草縈骨拱木欲魂夢弼曰史記廉頗者趙之良將也○本一作廉耻將

先生云只合作頗耻字無謂

高秋登寒山南望馬邑州降虜東擊胡壯健畫不留

穹廬莽牢落上有行雲愁老弱哭道路願聞甲兵休

鄴中事反覆死人積如邱諸將已茅土載驅誰與謀

鶴曰按唐州羈廩州內有馬邑州在秦成二州山谷間洙曰降虜東擊胡謂當時回紇助順收復京師遂進收東都漢書匈奴傳注穹廬旃帳也其形穹隆然故曰穹廬趙曰時兩京雖收復安慶緒據鄴城王師圍之未幾師潰夢弼曰茅土謂封建諸侯見禹貢注

壯集

豐年孰云遲甘澤不在早耕田秋雨足禾黍已映道

春苗九月交顏色同日老勸汝衙門士勿悲尚枯槁

時來展材力先後無醜好但訝鹿皮翁忘幾對芳草

鶴曰按史乾元二年春旱故有甘澤不在早之句而因以興衙門之士也洙曰列仙傳鹿皮翁菑川人少為府小吏機巧舉手成器械岑山上有神泉人不能至乃白府君請木工斤斧作轉輪懸閘數十日梯道四門成上其巔作茅舍留止食芝

草飲神水百餘年下賣藥於市

天末懷李白

涼風起天末君子意如何鴻鴈幾時到江湖秋水多

四句自文章憎命達魑魅喜人過其寂寞乃魑魅猶能知此人之來以為喜則朝廷之士寂寞不如魑魅亦多矣觀上憎字便見作者之意痛快

應共寬

卷五

三七

魂語投詩贈汨羅希曰陸士衡詩借問欲何為涼風起天末楚屈原自沉汨羅而死

集千家註杜工部詩集卷之五

杜集

卷五

天

集千家註杜工部詩集卷之六

秦州見勅目

勅一作除

薛三璪授司議郎畢四曜

除監察與二子有故遠喜遷官兼述索居三

十韻

乾元二年秋秦州作

大雅何家潤斯人尚典刑交期余潦倒材力爾精靈
二子陞同日諸生困一經文章開突與遷擢潤朝廷
舊好何由展新詩更憶聽別來頭併白相見眼終青
伊昔貧皆甚同憂歲不寧棲惶分半菽浩蕩逐流萍
俗態猶猜忌妖氛逐杳冥獨慚投漢閣俱議哭秦庭
還蜀祇無補囚梁亦固局華夷相混合宇宙一羶腥

本集

卷六

帝力收三統天威總四溟舊都俄望幸清廟肅惟馨
雜種難高壘長驅甚建瓴焚香淑景殿漲水望雲亭
法駕初還日群公若會星宮臣仍點染柱史正零丁
官忝趨棲鳳朝回歎聚螢傷舊日讀書之勤喚人看驪裏不
嫁惜娉婷兩句開合謂異時相邀自惜過時也掘劍
知埋獄提刀見發硎侏儒應共飽漁父忌偏醒旅泊
窮清渭長吟望濁涇羽書還似急烽火未全停帥老
資殘寇戎生及近坳忠臣辭憤激烈士涕飄零上將
盈邊鄙元勳溢鼎銘仰思調玉燭誰定握青萍隴俗
輕鷗鷁原情類鵲鴿秋風動關塞高卧想儀形宋曰嵇康

絕交書潦倒鹿蹊夢弼曰諸生公自謂也文章開突

與言其文章深邃也變鳥吊切荀子變與之內突字

正作凌爾雅室西南隅謂之奧東南隅謂之突釋文

音要洙曰劉孝標絕交論莫肯費其半菽罕自落其

一毛趙曰半菽字祖出項羽傳歲飢人貧卒食半菽

洙曰揚雄傳王莽誅甄豐連及揚雄時雄校書天祿

閣上治獄使者來雄恐不能自免乃從閣上投下幾

死吳入郢申包胥求救於司馬相如蜀人也後富貴

還蜀梁孝王怒鄒陽下獄吏將殺之陽從獄中書

王立出之夢弼曰還蜀囚深公自喻也時謫為華州

司功夢符曰漢書三統謂天統地統人統為夏商周

之正三也趙曰舊都指長安鶴曰漢書注引蔡邕云

天子車駕所至民臣以為僥倖故曰幸洙曰漢書卷

胡雅種類不一也高帝紀地勢便利其以下兵於諸

侯譬猶居高屋之上建瓴水也建居偃切瓴盧經切

謂薛受司議郎屬東宮柱史雲亭皆在西內漢官

儀侍御史在周官為柱下史趙曰點染為文字也零

丁介獨之貌夢弼曰官忝趨栖鳳公自叙曩為拾遺

杜美 卷六 二

在諫省時也晉車胤家貧夜囊螢火以照書驥良

馬也紫氣補雷煥也皆公自喻也洙曰晉張華見斗牛

間有紫氣補雷煥也皆公自喻也洙曰晉張華見斗牛

漢東方朔傳武帝令待詔公車俸薄朔始侏儒曰

上欲盡殺若曹侏儒號泣頓首上知朔多端名問朔

何恐侏儒為朔對曰侏儒身長三尺餘俸二百四十

侏儒百四十朔長九尺餘亦俸一囊粟錢二百四十

飽欲死臣朔飢欲死亦俸一囊粟錢二百四十侏儒

稍得進用馬屈原既放吟澤畔漁父問曰子非三

閻大夫歟何故至此屈原曰衆人皆醉我獨醒漁父

曰何不哺其糟而啜其醢曰後漢志龐參西河涇渭

水所出東沅長安今云旅泊窮清渭長吟望濁溼蓋

公在秦州而憶長安也洙曰羽書者以鳥羽插檄書

上馳告四方示其速疾也鼎銘者銘功於鍾鼎也爾

雅曰四時調謂之玉燭青萍劍名也彌衡鸚鵡賦命

虞人於籠坻冠雲霓而張羅蓋鸚鵡乃隴右所出夢

弼曰鄭氏詩箋云鶴而水鳥而在高原失其常處則

飛鳴求其類此公自况

有望於薛畢二子也

寄彭州高三十五使君適虢州岑二十七長

史參三十韻公自注時患瘧病夢弼曰高適由太子詹事出刺彭州岑參由

補闕左遷虢州長史

故人何寂寞今我獨淒涼老去才難盡秋來興甚長

物情尤可見詞客未能忘物情往往見棄惟詞客未忘耳有味其言海內

知名士雲端各異方高岑殊緩步沈鮑得同行意愜

關飛動篇終接混茫即子美自道可為悟入舉天悲富駱近代

惜盧王似爾官仍貴前賢命可傷其不足可見然少露上言富駱盧王

爾者高岑也子美豪放磊落如此諸侯非棄擲半刺已翱翔詩好幾

時見書成無信將男兒行處是客子鬪身強實語羈旅

杜集 卷六 三

推賢聖沉綿抵咎殃三年猶瘧疾一鬼不銷亡隔日

搜脂髓增寒抱雪霜徒然潛隙地有覩屢鮮粧何大

龍鍾極于今出處妨無錢居帝里盡室在邊疆劉表

雖遺恨龐公至死藏心微傍魚鳥即小心也用得作家肉瘦怯

豺狼隴草蕭蕭白洮雲片片黃彭門劔閣外虢略鼎

湖傍荆玉簪頭冷巴牋染翰光烏麻蒸續曠丹橘露

應嘗豈異神僊宅俱兼山水鄉竹齋燒藥竈花嶼讀

書牀更得清新否遙知對屬忙舊官寧改漢淳俗本

歸唐濟世宜公等安貧亦士常虫尤終戮辱胡羯漫

猖狂會待祇氛靜論文暫裹糧夢弼曰晉江淹嘗夢還人筆後為詩絕無

美句人謂才盡洙曰潘安仁有秋賦沈約
鮑照也趙曰沈佺期祭文思含飛動才冠卿雲夢
曰富嘉謨駱賓王盧照鄰王勃皆文章之半洙曰刺
史古之諸侯也庾亮書別駕任居刺史之半諸侯謂
適也半刺謂岑也羈旅推賢聖言孔孟尚羈旅也夢
弼曰昔顓帝有二子生而亡去為鬼一居江水為瘧
鬼洙曰俗言辟瘧鬼必伏於幽隙之地不爾即盡易
容貌趙曰與時賓退錄鬼必伏於幽隙之地不爾即盡易
所聞趙曰與時賓退錄鬼必伏於幽隙之地不爾即盡易
輔國授謫刺時力士方逃瘧功臣閣下杜子美詩三
年猶瘧疾一鬼不銷亡隔日搜脂髓增寒抱雪霜徒
然潛隙地有靦屨鮮粧則不特避之而復塗抹其面
矣蒼舒曰按廣韻龍鍾竹名世言龍鍾謂其年老如
竹之枝葉按廣韻龍鍾竹名世言龍鍾謂其年老如
居岷山之南未嘗入城府荆州刺史劉表數延請不
能屈竟隱於鹿門山隴草洵雲公略其客居之景物
而心甚樂之夢弼曰隴草洵雲公略其客居之景物
也彭門劍閣俱在蜀左傳西盡號略即號而之
湖城縣有鼎湖此言高岑二子居官之地也洙曰荆
玉出號巴陵蜀陵也夢弼曰陶隱居本草地也洙曰荆
杜集
亦蒸九曝熬搗充餌注胡麻烏者良今言胡麻丹橘
九彭號二州所出也後漢岑彭傳此師曰號本晉地
亦欲徙之今舊官寧改漢或用以師曰號本晉地
詩晉國風此晉也而謂之唐本其風俗憂深思遠儉
而用禮乃有堯之遺風焉洙曰史記黃帝擒殺蚩尤
胡翔指安史也寫常之詩話云詩人讚美同志詩篇
之善多比珠璣薛玉錦繡花草之類至杜子美則豈
肯作此陳腐語耶如寄岑參云意愜開飛動摧霹靂贈
混茫夜聽許十誦詩云精微穿溟津飛動摧霹靂贈
盧瑤云藻翰惟牽率湖山谷動搖贈陳諫議詩成泣
無遺恨波瀾獨老成寄李白佳句法如何視餘子其
鬼神贈高適云美名人不及佳句法如何視餘子其
商菌哉

卷六

四

寄李十二白二十韻

古今詩話云老杜贈太

得其故

昔年有狂客號爾謫僊人筆落驚風雨詩成泣鬼神

彼此客稱○自喻適聲名從此大汨沒一朝伸文彩

承殊渥流傳必絕倫龍舟移棹晚獸錦奪袍新白日

來深殿青雲滿後塵乞歸優詔許遇我宿心親未負

幽棲志兼全寵辱身劇談憐野逸嗜酒見天真醉舞

梁園夜行歌泗水春才高心不展道屈善無鄰十字可誦

善無鄰最切當處士禰衡俊諸生原憲貧稻梁求未足蕙苾

謗何頻五嶺炎蒸地三危放逐臣幾年遭鵬鳥獨泣

向麒麟此用夫子事注亦未喻蘓武先還漢黃公豈事秦楚筵

辭醴日看他用意梁獄上書辰已用當時法誰將此義

陳老吟秋月下病起暮江濱莫怪思波隔乘槎與問

杜集 **卷六** **五**

津洙人也言於玄號四明狂客見太白文章數曰子諤

奉翰林趙曰太白墓碑云見金鑿殿奏頌一篇有詔供

時白被酒命高力士扶以登舟夢弼曰白外傳云白

作樂章賜錦袍今云獸錦蓋錦織成獸文也奪字如

宋之問傳武后遊龍門詔從臣賦詩東方虬詩先成

后賜錦袍之問俄頃獻后覽之嗟賞更奪袍以賜洙

曰白為高力士所諧自知不為親近所容懇求還山

帝賜金放還夢弼曰按公傳嘗從白及高適過汴州

酒酣登吹臺慷慨懷古太白集有梁園醉歌汴州即

公與故地謝惠連雪賦梁王行歌泗水春洙曰後漢

禰衡字正平孔融上疏薦之曰處士禰衡年二十四

英才卓犖莊子原憲曰憲貧也非病也夢弼曰後漢

馬援征交趾載薏苡種還人謗之以為明珠大貝此

以喻白之遇讒永王璘反謂白為恭屬與謀也希曰

以永王璘之累流夜郎五嶺為五嶺書注三危西裔白

為壽誼為長沙王傳不得志有鵬飛入誼舍自傷以

出非其時吾道窮夫蕪武在匈奴十九年而還黃公乃四皓避秦居商山申公見楚元王不設醴酒而辭行鄒陽見怒於梁王下獄遂從獄中書此皆以比白之不從永王璘而璘本待白之薄當時不見察已施之於法誰能為陳此義也

寄岳州賈司馬六丈巴州嚴八使君兩閣老

五十韻鶴曰賈至由中書舍人出守汝州坐小法貶岳州司馬嚴武由給事中拜

京兆尹坐瑄事貶巴州刺史公嘗為左拾遺兩省相呼為閣老也

衡岳啼猿裏巴州為道邊故人俱不利謫官兩油然

開闢乾坤正榮枯雨露偏長沙才子遠釣瀨客星懸

憶昨趨行殿殷憂捧御筵討胡愁李廣奉使待張騫

無復雲臺仗虛修水戰船蒼茫城七十流落劔三千

杜集 卷六 六

畫角吹秦晉畫角吹秦晉奇怪不恨旄頭俯澗渾小儒輕董卓

有識笑符堅其用事如此浪作禽填海那將血射天萬方

惡助順一鼓氣無前陰散陳倉北晴熏太白巔亂麻

屍積衛破竹勢臨燕法駕還雙闕王師下八川此時

霑奉引佳氣拂周旋描摸老成○亂來讀此十字哀痛來生貌虎閒金

甲麒麟受玉鞭侍臣諳入仗廐馬解登僊淺事不俗俗事不俚

花動朱樓雪城凝碧樹煙衣冠心慘愴故老淚潺湲

哭廟悲風急朝正霽景鮮月分梁漢米春給水衡錢

內藥繁於纈宮花軟勝綿恩榮同拜手出入最隨肩

曉著華堂醉寒重繡被眠轡齊兼秉燭書枉滿懷牋

纒復京便有此樂是此時殘破巡幸尚自庶幾每覺昇元輔深期列大賢東

鈞方咫尺鍛翻再聯翩禁掖朋從改微班性命全青

蒲甘受戮白髮竟誰憐弟子貧原憲諸生老伏虔師

資謙未達鄉黨敬何先舊好腸堪斷新愁眼欲穿翠

乾危棧竹紅膩小湖蓮此紅翠在新舊下別是婁斷賈筆論孤憤

嚴君賦幾篇定知深意苦莫使眾人傳貝錦無停織

朱絲有斷絃浦鷗防碎首霜鶻不空拳寓言地僻昏炎

瘴山稠隘石泉且將棋度日應用酒為年甚言避禍之道可念

典郡終微眇治中實棄捐安排求傲吏比興展歸田

此展字屬治中去才難得蒼蒼理又玄古人稱逝矣吾道

杜集卷六七

卜終焉三見馬字隴外翻投迹漁陽復控弦笑為妻

子累甘與歲時遷親故行稀少兵戈動接聯他鄉饒

夢寐失侶自迤邐多病加淹泊長吟阻靜便如公盡

雄俊志在必騰騫泊語如此使人意盡○趙曰南中

飛鳥之道耳洙曰漢賈誼洛陽人事文帝黜為長沙

王木傳嚴子陵變名姓披羊裘釣澤中光武徵之因

為諫議不屈後以名加帝腹上太史奏客星犯帝座除

趨行殿公自叙謂肅宗於行在也趙曰無復雲臺仗

猶有雲臺之仗洙曰漢酈食其馮軾下齊七十餘城

蒼茫城七十謂祿山反河北十餘郡皆棄城而走也

劍指蜀之劍閣言玄宗幸蜀流落有三千里之遠近

秦晉之間皆改畫角聲以節漢志昂為旄頭胡星也

洙曰漢董卓傳卓廢立凶暴無道忍性矯情擢用羣
士以韓馥等為刺史馥等到官各與義兵同盟討卓
秦符堅違衆伐晉遂至破敗撫畜鮮卑符融諫不聽
後為鮮卑所亡夢弼曰董卓符堅以喻思明祿山之
必凶也洙曰山海經赤帝之女嬉遊東海溺而死不
返化為寃禽名曰精衛常取西山木石以填東海商
本紀帝武乙無道為偶人為草囊盛血仰而搏之命
行天趙曰此皆言安史之不量也晏曰左傳曹劌
曰夫戰氣也一鼓作氣再而衰三而竭夢弼曰陳倉
太白俱在鳳翔此言肅宗時駐蹕鳳翔也按志鳳翔
府寶雞縣又更名陳倉縣有寶雞山按列異傳秦
穆公時陳倉人掘地得物以獻諸公道問二童子童
子曰此名媪媪復曰彼二童子名為陳寶得雄者王
得雌者霸陳倉人捨媪逐二童子獵果得其雉又化
平林陳倉人告穆公發徒大獵祠上陳寶祠又按
志鳳翔之郿縣有太山按水經注祠山上宿雪故
名錄異記郿縣有太山按水經注祠山上宿雪故
洙曰衛河北也燕范陽也時祿山反於范陽河北

杜集

卷六

八

諸郡漢書之入如亂刃而解關中記關內八振勢
破竹數節長安收復矣趙曰時公為左拾遺扈從還
下八川謂武職望氣者見春郭惜曰氣佳哉鬱鬱
京洙曰光武紀望氣者見春郭惜曰氣佳哉鬱鬱
蕙蔥夢弼曰職儀云黃帝駕乘黃而仙去後因以名
廐王隱晉書宣帝內廐馬一日風靜天霽有羽鶴飛
至廐化為青衣童子騎二大馬乘空而去梁漢書
帝分梁漢儲米給民水衡掌山澤之賦謝承後漢書
為平陵漢儲米給民水衡掌山澤之賦謝承後漢書
也魯曰內菜宮花也洙曰顏延年詩鸞翻有入時私
鍛殘也所介切夢弼曰漢元帝與少府皆天子私藏
頓首伏青蒲上以諫注漢元帝與少府皆天子私藏
任拾遺故云前漢儒林傳伏生年九十餘已過以成
齊魯洙曰詩成是貝錦牋云喻護人集作已過以成
於罪猶女工之集采色以成錦鶻不空拳則鶻有碎
兩閣老如浦鷗讒言如霜鶻不空拳則鶻有碎
讀之防矣洙曰晉職官志州置別駕治中從事趙曰
安功曰郭景純謝靈運詩傲吏注莊子嘗為漆園吏

楚威王聘之欲以為相謂使者亟去無汗我故曰
傲史夢弼曰時史思明復作亂於漁陽乃薊州也

寄張十二山人彪三十韻

獨臥高陽客三違潁水春艱難隨老母慘澹向時人
謝氏尋山屐陶公漉酒巾群兇彌宇宙此物在風塵
歷下辭姜被關西得孟鄰早通交契密晚接道流新
靜者心多妙先生藝絕倫草書何太古詩興不無神
曹植休前輩張芝更後身數篇吟可老一字買堪貧
將恐曾防寇深潛託所親寧聞倚門夕盡力潔飡晨
踈懶為名誤馳驅喪我真索居猶寂寞相遇益愁辛
流轉依邊徼逢迎念席珍時來故舊少亂後別離頻

杜集

卷六

九

世祖修高廟文公賞從臣商山猶入楚渭水不離秦
存想青龍祕騎行白鹿馴耕岳非谷口結草即河濱
肘後符應驗囊中藥未陳旅懷殊不愜良覲眇無因
自古皆悲恨浮生有屈伸此邦今尚武何處且依仁
鼓角凌天籟關山倚月輪官場羅鎮磧賊火近洮岷
蕭瑟論兵地蒼茫鬪將辰大軍多處所餘孽尚紛綸
高興知籠鳥斯文起獲麟窮秋正搖落迴首望松筠

鶴曰嵩陽潁水皆在河南洙曰謝靈運好登陟常著
木屐上山則去前齒下山則去後齒陶淵明酒熟取
頭上葛巾漉酒畢還復著之黃曰此物指彪也夢弼
曰歷下關西公言昔與彪聚之地趙曰後漢姜肱
有兄弟四人居貧作一布被而共之洙曰列女傳孟
子之母凡三徙而舍學宮之旁孟子嬉遊於是為俎

豆揖讓進退孟母曰真可以居吾子矣夢弼曰魏曹
植字子建能詩漢張芝字伯英好草書洙曰薛包事
母至孝凡出入必告有未嘗違也至期母必倚門望
之包必至矣東廣微補亡南陔詩馨爾夕膳潔爾晨
食邊徼邊境也禮記儒有席上之珍以待聘後漢志
光武立高廟于洛陽四時禘祀高帝為太祖一歲五
祀夢弼曰此喻肅宗重建七廟也洙曰左傳晉侯賞
從亡者介之推不言祿亦不及青龍乃道家存想
之術周兵義入龍嶠石見美門子乘白鹿而行揚子
谷口鄭子真耕于岳山之漢文帝時河上公結草
為菴於河濱讀老子帝駕往詣之晉葛洪有肘後方
數卷趙曰四鎮皆置官場賦飲以供軍須也鶴曰
鎮噴如北庭都護府有神仙鎮及有小蹟是也夢弼
曰洮岷言臨洮岷山也彥輔曰潘岳秋興賦猶池魚
籠鳥而有江湖山藪之思夢弼曰孔子春秋起於獲
麟葛常如寄張山詩喜植休前草張芝更噴身數
篇吟可老一字買堪貧喜杜觀到詩云待更噴鳥數
拋書示鳴鶴不歸林下食遭泥去高飛恨久陰卧病
爭引子鳴鶴

杜集

卷六

十

詩云滑憶彫菽飯香聞錦帶羹溜匙兼暖腹誰欲致
杯甕如此之類多矣此格起於謝靈運廬陵王之墓
下詩云延州協心許楚老惜蘭芳俞劔竟陵及撫增
徒自傷李太白亦時有此格毛遂不墮升曾參寧殺
人虛言誤公子投
杼感慈親是也

前出塞九首

鶴曰前後出塞詩乃乾元時
公在秦州思天寶間事而作

戚戚去故里悠悠赴交河公家有程期亡命嬰禍羅

君已富土境開邊一何多棄絕父母恩吞聲行負戈

修可曰按唐西州交河在伊州西七百里河水分流
繞城下因以名之劉曰漢書竇榮亡命山林顏注云

命名也謂脫其名籍而逃亡也

出門日已遠不受徒旅欺如親歷甘苦○極征行孤
必如此序情閔勞骨肉恩豈斷男兒死無時走馬脫

之際其庶幾乎

骨

纒頭手中挑青絲捷下萬仞岡俯身試擐旗賦至壯

可傷○洙曰梁簡文帝紫駟馬詩青絲懸玉韉又宛

轉青絲韉曹子建詩仰手接飛猿俯身散馬蹄左大

又云斬將擐旗

磨刀鳴咽水水赤刃傷手欲輕腸斷聲心緒亂已久

又緩丈夫誓許國憤惋復何有功名圖麒麟戰骨當

速朽夢弼曰三秦記隴山天水大坂也俗歌云隴頭

水漢武帝獲白麟作麒麟閣以繪功臣像

送徒既有長遠戍亦有身生死向前去不勞吏怒嗔

即不受徒旅路逢相識人附書與六親哀哉兩決絕

不復同苦辛洙曰送徒字如高祖以亭長為縣送徒驪山是也

杜集 卷六 十一

迢迢萬里餘領我赴三軍軍中異苦樂主將寧盡聞

眼前語意中事通透自別○隔河見胡騎倏忽數百

亦極哀怨之體所以可傳

羣我始為奴僕幾時樹功勳夢弼曰漢衛青少時父使牧羊皆奴畜之有相

青曰貴人也官至封侯後拜為車騎將軍

挽弓當挽彊用箭當用長射人先射馬擒賊先擒王

用諺語或自殺人亦有限立國自有疆苟能制侵陵

作諺語皆是

豈在多殺傷此其自負經濟者

驅馬天雨雪軍行入高山逕危抱寒石指落曾冰間

已去漢月遠何時築城還浮雲暮南征可望不可攀

作者緩急自合○修可曰漢書高祖將兵擊匈奴會冬雨雪士卒墮指者十二三

單于寇我壘百里風塵昏雄劍四五動彼軍為我奔

虜其名王歸繫頸授轅門千載不死潛身備行列一

勝何足論修可曰列士傳眉間尺楚人千將鏢錡之

一雄鏢懷孕後產一鐵楚王命鏢錡在匣中常悲鳴

楚王同羣臣對曰劍有雌雄鳴者雌憶其雄也王大

怒收鏢錡後之眉間尺乃為其父殺楚王黃曰越絕

書曰楚王作鐵劍二枚晉鄭聞而求之不得與帥圍

破敗士卒迷惑流血千里修可曰漢書霍去病衛青

擊匈奴虜名王貴人以百數唐曰漢紀注名王謂有

門注云次車以為藩則仰車以其轅表門

從軍十年餘能無分寸功眾人貴苟得欲語蓋雷同

乃併與軍中妬忌之中原有鬪爭况在狄與戎謂爭

意得之必不可少者

壯集

丈夫四方志安可辭固窳

後出塞五首

男兒生世間及壯當封侯戰伐有功業焉能守舊印

召募赴薊門軍動不可留千金買馬鞍百金裝刀頭

閭里送我行親戚擁道周瑛白居上列酒酣進庶羞

少年別有贈含笑看吳鉤呂曰召募字出吳志中郎

召謂自隱度而應募為召募也趙曰詩生於道周周

曲也修可曰吳王闔閭命國中作金鉤令曰善者賞

之百金有貪王之重賞者殺其二子以血統金遂成

二鉤獻而求賞王曰為鉤者衆子獨求賞何以異作

鉤者曰吾之作鉤也殺二子統成二鉤於是向鉤而

痺二子之名曰我在此王不知汝之神也聲絕於口

兩鉤俱飛著父之胸王大驚曰寡人誠負於

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

子乃賞百金遂服而不離身見吳越春秋

朝進東門營暮上河陽橋落日照大旗馬鳴風蕭蕭
復欲一語似此殆千古不可得其時其境其意平沙
即曹子建鬼魂真橫梁間意贊說不能盡也

列萬幕部伍各見招中天懸明月令嚴夜寂寥悲笳

數聲動壯士慘不驕借問大將誰恐是霍嫫姚此詩之妙

可以招魂復起○夢弼曰東門洛都之門也鄭曰河陽洛邑也洙曰詩蕭蕭馬鳴悠悠旆旌毛傳云言不

譚詳也荆軻歌風蕭蕭兮易水寒趙曰士卒之多則

將各有一幕故一部伍之人至言幕各相招詔以居

其幕也○茗溪胡仔曰後出塞詩云借問大將誰恐是

霍嫫姚陪柏中丞觀宴將士詩云漢朝頻選將應拜

霍嫫姚按漢書霍去病為嫫姚校尉服虔曰音飄搖

師古曰嫫姚反姚羊台反嫫姚颯疾之貌也又按

荀悅漢紀作粟鷄此兩字蓋取服虔音耳王荆公嘗

謂子美以平聲用此兩字蓋取服虔音耳王荆公嘗

有詩云莫教空說霍嫫姚亦承襲子美而用也

杜集 卷六 十一

古人重守邊今人重高勲此義亦人所未及豈知英雄主出

師亘長雲六合已一家四夷且孤軍遂使貔虎士奮

身勇所聞拔劍擊大荒日收胡馬羣誓開玄冥北持

以奉吾君

獻凱日繼踵兩蕃靜無虞漁陽豪俠地擊鼓吹笙竿

雲帆轉遼海粳稻來東吳越羅與楚練照耀輿臺軀

主將位益崇氣驕凌上都邊人不敢議議者死通衢

希曰兩蕃謂吐蕃與奚契丹也漁陽薊州也洙曰左太冲詩南鄰擊鍾磬北里吹笙竿左傳魯臣與與臣

諫隸巨僚僚巨僕僕臣臺師曰主將謂祿山也祿山兵還玄宗御承天門率百官迓之賞資無費

我本良家子出師亦多門將驕益愁思身貴不足論

解事 躍馬二十年恐辜明主思坐見幽州騎長驅河

洛昏中夜間道歸故里但空村惡名幸脫免窮老無

兒孫寫至退軍人則無餘矣○洙曰漢趙充國以六

洙曰時祿山自幽州起兵陷河洛希曰漢高紀從間

道走歸古曰間空也按空隙而行不脫身歸東坡

志林詳味此詩蓋祿山反時其將校有脫身歸

國而祿山盡殺其妻子者不知其姓名可恨也

多病秋風落君來慰眼前自聞茅屋趣只想竹林眠

滿谷山雲起侵籬澗水懸嗣宗諸子姪早覺仲容賢

師曰七月秋風起八月風高九月風落洙曰晉

阮咸字仲容任達不拘與一籍為竹林之遊

社集 卷六 佐還山後寄三首鶴曰還山謂歸東柯谷也

山晚黃雲合歸時恐路迷澗寒人欲到林黑鳥應棲

野客茅茨小田家樹木低舊諳疎嬾叔須汝故相攜

趙曰嵇康絕交書性復疎嬾

白露黃梁熟分張素有期已應春得細頗覺寄來遲

味豈同金菊香宜配綠葵老人他日愛正想滑流匙

幾道泉澆圃交橫落慢坡葳蕤秋葉少隱映野雲多

渴酒連香芟通林帶女蘿甚聞霜薤白重惠意如何

洙曰分引泉水以灌園故交橫而落慢坡言坡中青翠如慢也

宿贊公房公自注贊京師大雲寺主講此安置師曰贊公與房瑄遊從瑄說得

罪贊公亦被謫於秦州也

杖錫何來此秋風已颯然雨荒深院菊霜倒半池蓮
放逐寧違性虛空不離禪相逢成夜宿隴月向人圓

遣懷

愁眼看霜露寒城菊自花天風隨斷柳客淚墮清笳

水淨樓陰直寫景貴得自然山昏塞日斜夜來歸鳥盡啼殺

後棲鷗著常之韻語陽秋曰老杜寄身於兵戈駢屑

是也故作詩多用一自字田父泥飲詩云步履隨春

憶村村自花柳遺興詩云愁眼看霜露寒城菊自花

自清夜江山非故園滕王亭子詩云古牆猶竹色虛

閣自松聲言人情對景自有悲喜而初不能累無情之物也

廢畦

卷六

五

秋蔬擁霜露豈敢惜凋殘暮景數枝葉天風吹汝寒

綠露泥滓盡香與歲時闌生意春如昨悲君白玉盤

除架公自注瓜架也

束薪已零落瓠葉轉蕭疎辛結白花了寧辭青蔓除

秋蟲聲不去暮雀意如何寒事今牢落人生亦有初

西枝村尋置草堂地夜宿贊公土室二首鶴

西枝村在秦近郭有巖竇之勝杉漆之利贊公稱之公自華至秦意欲居之故尋置草堂

馬地

出郭眴細岑披榛得微路溪行一流水細字一字皆可笑曲

折方屢渡贊公湯休徒好靜心迹素昨狂霞上作盛
論巖中趣怡然共攜手恣意同遠步捫蘿澁先登陟

歔眩反顧要求陽岡暖苦陟陰嶺沍惆悵老大藤細與

字一字 沉吟屈蟠樹卜居意未展杖策迴且暮層巔

餘落日草蔓已多露洙曰趙景真書涉澤求蹊披榛

姓湯能詩故公以比贊公也贊嘗以詩約公為鄰居

感稱巖中之景公謂其才思挺出煙霞之外故云霞

南上作也師曰山南曰陽山北曰陰山

天寒鳥已歸月出山更靜自然境土室延白光松門

耿疎影躋攀倦日短語樂寄夜永明然林中新暗汲

石底井大師京國舊德業天機秉從來支許遊興趣

江湖迴數奇謫關塞道廣存箕穎何知戎馬間復接

塵事屏幽尋豈一路遠色有諸嶺晨光稍矇矓更越

西南頂夢弼曰大師指贊公也京國舊謂是京師上

漢書李廣數奇師古以為命隻不耦合則數乃命

數之數非疏數之數也因此詩注仍舊音故辨之

寄贊上人

一昨陪錫杖卜鄰南山幽年侵腰脚衰未更陰崖秋

重岡北面起竟日陽光留茅屋買兼土斯焉心所求

近聞西枝西有谷杉漆稠亭午頗和暖石田又足收
當期塞雨乾宿昔齒疾瘳徘徊虎穴上面勢龍泓頭
柴荆具茶茗徑路通林邱與子成二老來往亦風流

太平寺泉眼

招提憑高岡疎散連草莽出泉枯柳根汲引歲月古
石間見海眼天畔縈水府廣深丈尺間宴息敢輕侮
青白二小蛇幽姿可時覩如絲氣或上爛熳為雲雨
山頭到山下鑿井不盡土取供十方僧香美勝牛乳
北風起寒文弱藻舒翠縷明涵客衣淨細蕩林影趣
何當宅下流餘潤通藥圃三春濕黃精一食生毛羽

夢弼曰增輝記招提者梵言拓闢提奢唐言四方僧
物後人傳寫之誤以拓為招又省去闕奢二字止稱
招提今十方寺院是也廣雅黃精龍
銜草也本草黃精久服輕身延年

空囊 鶴曰空囊詩所賦即史稱公去客
秦州負薪採橡栗以自給之意

杜集

卷六

七

翠柏苦猶食明霞高可餐世人共鹵莽吾道屬艱難
不爨井晨凍無衣沐夜寒囊空恐羞澁留得一錢看

修可曰列仙傳仙人偃佺食松柏之實趙曰楚辭漱
正陽而餐朝霞注陵陽子明經云春食朝霞者日始
出赤氣也後漢趙壹云文籍雖滿腹不如一囊錢
希曰梁武帝評羊欣書似婢作夫人舉止羞澁

病馬

乘爾亦已久天寒關塞深塵中老盡力歲晚病傷心

毛骨豈殊衆馴良猶至今物微意不淺感動一沉吟

趙曰此暗使田子方事田子方出見老馬於野喟然
問於御者曰此何馬也對曰故公家畜也罷而不能
為用故出放之田子方曰少盡其力而老
棄其身仁者之所不為也命束帛贖之

送人從軍

吐蕃之役

弱水應無地陽關已近天
今君渡沙磧累月斷人煙
好武寧論命封侯不計年

忠意氣浩然可以勸者

馬塞防

失道雪沒錦鞍韉

鶴曰禹貢導弱水至於合黎而唐志云在沙州二地有水敗渙無力不能負芥者陽關唐

所謂西海之山有水備吐蕃之所也沙磧自是兩名
禹貢弱水餘波入于流沙楚辭西方之害流沙千里
注沙流而行言西方之地厥土不毛流沙滑滑晝夜
石磧北庭都護府有小磧是也

送靈州李判官

羯胡腥四海回首一茫茫
血戰乾坤赤氛迷日月黃
時軍專策略幕府盛才良
近賀中興主神兵動朔方

送遠

杜集

卷六

六

帶甲滿天地胡為君遠行
親朋盡一哭鞍馬去邊城

如畫出塞圖矣

草木歲月晚關河霜雪清
別離已近日因見

古人情

兩語兩意別離則昨日矣往往古
人亦如我也自怪其情之悲也

別贊上人

百川日東流客去亦不息
我生苦漂蕩何時有終極
贊公釋門老放逐來上國
還為世塵嬰頗帶憔悴色
楊柳晨在手豆子雨已熟
是身如浮雲安可限南北
異縣逢舊友初欣寫胸臆
天長關塞寒歲暮飢凍逼
野風吹征衣欲別向黑馬
嘶思故櫪歸鳥盡斂翼
古來聚散地宿昔長荆棘
相看俱衰年出處各努力

定功曰釋氏書手把青楊枝徧灑甘露之水趙曰言楊柳者以見贊春時猶為寺主來秦州而忽見豆熟之際矣夢弼曰兩或作兩豆兩已熟言來秦州已經兩年矣蘓曰崔玄見習鑿齒曰豆子熟矣張巨曰豆小本禪師赴法雲人詩是身如浮雲安可限南北此送小禪師別贊上人詩

兩當縣吳十侍御江上宅

俯曰按地理志鳳州兩當縣以大散

關與嘉陵之勢險隘相當故名鶴曰趙清獻公自成都被召還朝宿兩當縣廣鄉驛有詩云被詔趨都景物疎兩當中夜宿中途注云圖經云東西蜀至此道里均焉故縣名兩當

寒城朝煙淡

五字妙在目前○世間常有此語自不多遇

山谷落葉赤陰

風千里來吹汝江上宅鷗雞號在渚日色傍阡陌

社集

卷六

九

復稱借問持斧翁幾年長沙客哀哀失木狔矯矯避弓

翻亦知故鄉樂未敢思宿昔昔在鳳翔都共通金閨

籍天子猶蒙塵東郊暗長戟兵家忌間諜此輩常接

跡臺中領筆劾君必慎剖析不忍殺無辜所以分黑

白上官權許與失意見遷斥仲尼甘旅人向子識損

益朝廷非不知閉口休歎息余時忝諍臣丹陛實咫尺

相看受狼狽至死難塞責行邁心多違出門無與

適於公負明義惆悵頭更白

子美心事如此固宜一出言而傳不朽非徒言也○沈曰相如上林賦亂鷗難注云鷗難似鶴黃白

色○敏功曰陸雲詩通波激枉渚注云枉渚曲渚也○夢弼曰阡陌田間道也南北曰阡東西曰陌持斧翁指吳侍御也前漢暴勝之為直指使者衣繡衣持斧逐

捕羣盜長沙郡潭州也洙曰西都賦猿狢失木狢余
救切趙曰淮南子鴈銜蘆而翔以避弋繳以比吳之
失所也夢弼曰鳳翔府至德二載號西京寶應元年
號西都金闕金馬門也公與吳侍御昔同在鳳翔各
居諫官之職故云共通籍也洙曰書東郊不開夢弼
曰間謀軍中反間也仲尼旅人也修可曰後漢向子
宰相也洙曰王弼曰仲尼旅人也修可曰後漢向子
平潛隱於家讀易至損益卦喟然嘆曰吾知富不如
貧貴不如賤未知死何如生耳師曰公言往時為拾
遺見吳之斥而不能言深自責其非義也趙曰詳為拾
詩意吳侍御遷謫之因為辨論良民
不是姦細以此忤權貴而得罪耳

發秦州

趙使曰日在房公起秦亭十一月至
西康冬春之間發同谷登劔門其在

同谷茅茨蓋不盈月耳崔德符曰兩紀行時
發秦州至鳳臺發同谷縣至成都都二十四
首詩皆以風行為先後無復差舛昔韓子蒼
嘗論此詩筆力變化當與太史公諸贊方駕
學者宜常誦誦之朱文公語錄杜詩初年甚
精細晚年曠逸不可當如自秦川入蜀諸詩

杜集

卷六

子

分明如畫乃其少作也鶴曰按九域志秦州
西南至成州二百六十五里同谷其附邑也
○乾元至成都紀行所作

我衰更懶拙生意不自謀無食問樂土無衣思南州
漢源十月交天氣涼如秋草木未黃落况聞山水幽
栗亭名更佳下有良田疇充腸多薯蕷崖蜜亦易求
密竹復冬笋清池可方舟雖傷旅寓遠庶遂平生遊
此邦俯要衝實恐人事稠應接非本性登臨未銷憂
谿谷無異石塞田始微收豈復慰老夫惘然難久留
日色隱孤戍烏啼滿城頭中宵驅車去飲馬寒塘沅
磊落星月高蒼茫雲霧浮大哉乾坤內吾道長悠悠

師曰同谷在京之南時不經殘破故云樂土彦輔曰
楚辭嘉南州之炎德今言無衣而思南州以南州之
氣暖故也鮑曰漢源成州屬縣夢弼曰成州有栗亭
川魏置栗亭縣在唐為栗亭館希曰崖窰乃蜂於崖
不上所作之蜜成州所產也趙曰方舟並
兩船也洙曰王粲登樓賦聊暇日以消憂

赤谷鶴曰赤谷有亭當是在秦州近境公

天寒霜雪繁遊子有所之豈但歲月暮重來未有期

晨發赤谷亭險艱方自茲亂石無改徹我車已載脂

山深苦多風落日童稚飢悄然村墟迴煙火何由追

貧病轉零落故鄉不可思常恐死道路永為高人嗤

夢弼曰按地理志秦州隴城縣有大隴山亦曰隴首

三秦記云其坂九回上者七日乃越又云上有清水

腸斷絕按公集前有赤谷西崦詩云躋險不自安此

杜集云險艱方自茲蓋是登大隴歷九

鐵堂峽

山風吹遊子縹緲乘險絕破形藏堂隍壁色立積鐵

徑摩穹蒼蟠石與厚地裂修織無垠竹嵌空太始雪

威遲哀壑底徒旅慘不悅水寒長冰橫我馬骨正折

生涯抵弧矢盜賊殊未滅飄蓬踰三年迴首肝肺熱

立之曰破形藏堂隍謂山臺如堂隍破藏於兩山之

間也夢弼曰嵌空大始雪謂峽中常有雪自鑿開混

沈以來其雪未消也趙曰於者逢

抵之抵抵弧矢則遭用兵之時也

鹽井鶴曰食貨志唐有鹽井六百四十成

鹵中草木白青者官鹽煙官作既有程煑鹽煙在川

汲井歲捐捐出車日連連自公斗三百轉致斛六千
君子慎止足小人苦喧闐我何良歎嗟物理固自然
夢炳曰鹵說文鹹地也東方謂之斥西方謂之鹵草
木白言生鹽花也修可曰許慎說文曰鹵鹽池也漢
書宣帝常困於蓮勺鹵中注蓮勺縣有鹽池廣十數
里其鄉人名鹵中夢弼曰捐戶骨切用力貌字從木
非莊子貢見漢陰丈人方將為圃畦鑿隧而入井
抱甕而出灌捐捐然用力甚多而見功寡洙曰莊子
則仁義又奚連連如膠漆纏索夢弼曰官賣鹽每
斗錢三百商轉販一石得六千言倍獲其利也

寒峽

行邁日悄悄山谷勢多端雲門轉絕岸積阻霾天寒
寒破不可度我實衣裳單况當仲冬交泝泐增波瀾
野人尋煙語行子倚水餐此生免荷父未敢辭路難

杜集

卷六

五

怨傷忠厚得詩人之正○洙曰爾雅釋雨土為霾夢
弼曰父庸朱切古今注戟之遺像也詩荷戈與父

法鏡寺

身危適他州勉強終勞苦神傷山行深愁破崖寺古
嬋娟碧鮮淨蕭緘寒籜聚洄洄山根水冉冉松上雨
洩雲蒙清晨謂泉行高山下如雨
冷氣四散為雲也初日翳復吐朱甍

半光炯戶牖梁可數拄策忘前期出蘿已亭午冥冥

子規叫微徑不復取語自老恁○洙曰左太冲吳都
賦其竹則檀欒嬋娟玉潤碧鮮

趙曰唐孟郊有三嬋娟詩謂竹嬋娟月嬋娟人嬋娟
也鄭曰械子六切又所隔切洙曰洩與泄同泄猶出

聞子規蓋入商州地氣之暖故也

青陽峽

塞外苦厭山南行道彌惡岡巒相經亘雲水氣參錯
林迥峽角來天窄壁面削礪西五里石奮怒向我落
仰看日車側俯恐坤軸弱鸞魅嘯有風霜霰浩漠漠
昨憶踰隴坂高秋視吳岳東笑蓮花卑北知崆峒薄
超然侔壯觀已謂殷寥廓突兀猶趨人謂前險已盡至此依然相隨來
及茲歎冥冥鄭曰饑苦異切今作溪泰伯曰周禮雍州其山鎮曰岳山注云吳岳也彭曰國語謂之西吳秦都咸陽以為西岳夢弼曰唐隴州吳山縣西四十里有吳山其頂有五峰是也
唯山在隴右殷音隱

龍門鎮

細泉魚輕冰沮洳棧道濕不辭辛苦行迫此短景急

社集

卷六

三

石門雲篁隘古鎮峰巒集旌竿暮慘澹風水白刃溢

胡馬屯成輦防虞此何及彼屯成輦而此防龍門嗟

爾遠戍人山寒夜中泣洙曰發高紕棧道注云棧即

又土阪反夢弼曰編竹為閣道謂之棧道歐公曰短景言日短急於奔程也趙曰成輦乃輦洛之地馬指言安史之兵耳洙曰防虞此何及言已後時矣

石龕

熊羆咆我東虎豹號我西我後鬼長嘯我前猱又啼

天寒昏無日山遠道路迷驅車石龕下仲冬見虹霓

伐竹者誰子悲歌上雲梯為官采羨箭五歲供梁齊

苦云直簣盡無以充提攜奈何漁陽騎颯颯驚蒸黎

夢弼曰狻猊之屬趙曰此詩去句連四我字乃公之新格劉琨扶風歌止曰鹿遊我前猿戲我側兩句而已夢弼曰仲冬見虹霓紀異也趙曰爾雅東南之羨者自會稽之竹箭此摘用其字梁者汴州齊指東芒安史之兵所在此言采箭以輸官也鄭曰籛古早切亦作苛洙曰祿山之亂所領皆漁陽突騎也

積草嶺

公自注同谷界

連嶂積長陰白日遞隱見颼颼林響交慘慘石狀變山分積草嶺路異明水縣旅泊吾道窮衰年歲時倦卜居尚百里休駕投諸彥邑有佳主人情如已會面來書語絕妙遠客驚深眷食蔗不願餘茅茨眼中見相去尚百里想像如見願休焉息馬之志也○夢弼曰明水縣屬興州唐志明作鳴言路異者自此嶺之

杜集

卷六

孟

外東西別行東則同谷西則明水也趙曰謝靈運鄴中詩序云二三諸彥在太冲詠史詩飲河期滿腹貴足不願餘鶴曰邑有佳主人當是指同谷縣宰也

泥功山

朝行青泥上暮在青泥中泥濘非一時版築勞人功不畏道途永反將汨沒同白馬為鐵驪小兒成老翁哀猿透却墜死鹿力所窮寄語北來人後來莫惹惹

夢弼曰白馬為鐵驪言白馬經此泥濘中亦將為黑色之驪也玉篇驪馬深黑色

鳳凰臺

夢弼曰成州東南十二里有鳳凰山即秦弄玉與蕭史吹簫之地

亭亭鳳凰臺北對西康州西伯今寂寞鳳聲亦悠悠山峻路絕蹤石林氣高浮安得萬文梯為君上三頭

恐有無母雛飢寒日啾啾我能剖心血飲啄慰孤愁
心以當竹實烟然忘外求血以當醴泉豈徒比清流
所重王者瑞敢辭微命休坐看綵翮長舉意八極周
自天銜瑞圖飛下十一樓圖以奉至尊鳳以垂鴻猷
再光中興業一洗蒼生必深衷正為此羣盜何淹留
懇至不厭○夢弼曰按唐地理志武德初以同谷置
西康州貞觀初燦謂之西康者蓋嶺南亦有康州所
以自別也洙曰又王為西伯時鳳鳴於岐陽夢弼曰
莊子南方有鳥其名鷦鷯雖夫鷦鷯非梧桐不止非練
實不食非醴泉不飲又韓詩外傳黃帝致齊於宮鳳
乃止帝東園集帝梧桐食帝竹實長讀當如字夢符
曰瑞庭圖曰鳳王者之嘉瑞夢弼曰春秋谷諷圖曰
黃帝坐元扈洛水之上與大司馬務光等臨觀鳳
街圖置帝前黃帝再拜受圖注元扈石室名也漢郊
祀志黃帝為五城十二樓以候神人邁曰鴻猷大道

杜集

卷六

五

也鳳垂鴻猷所
以表大道也

乾元中寓居同谷縣作歌七首

李薦師友記
聞李太白遠

離別蜀道難與子美寓居同谷七
歌風騷之極致不在屈原之下也

有客有客字子美白頭亂髮垂過耳歲拾橡栗隨狙
公天寒日暮山谷裏中原無書歸不得手脚凍皴皮
肉死嗚呼一歌兮歌已哀悲風為我從天來夢弼曰
橡似兩
切櫟實也狙千餘切猿屬食橡栗者也莊子狙
公賦茅茅即椽子也鄭曰絨十倫切皮絢起也
長鏡長鏡白木柄一歌喚子美二歌
喚長鏡豈不奇崛我生託子以為
命黃精無苗山雪盛短衣數挽不掩脛此時與子空
歸來男呻女吟四壁靜嗚呼二歌兮歌始放閭里為

我色惆悵

色字下得好非必人人為我惆悵而有其也

也謂之地鏡又仕鑿切夢弼曰廣雅精龍街草也本

草黃精久服輕身延年或曰黃精當作黃獨飢歲土俗

謂之士羊根惟一類而非色黃故謂之黃獨飢歲土俗

掘食以充糧余謂此非當以黃精為正公嘗屢用黃

精字按集中有太平寺泉眼詩云三春斲黃精一食

生毛羽是也

有弟有弟在遠方三人各瘦何人強生別展轉不相

見胡塵暗天道路長東飛駕鷲後鵝鷓安得送我置

汝傍嗚呼三歌兮歌三發汝歸何處收兄骨

趙曰公

頤曰觀曰豐曰占各在他郡惟占從公入蜀公在蜀

外有占歸草堂詩云久客應吾道相隨獨爾來

後漢趙孝弟禮為賊所得將食之孝自縛詣賊曰禮

瘦不如孝肥賊感其意俱舍之樂府他鄉各異縣展

杜集

卷六

五

轉不相見夢弼曰陶隱居本草駕鵝大於鴈似人家

蒼鷺耳鵝鷓惡禽也鵝九頭詩有鵝在梁毛萇傳充

余收爾骨焉

有妹有妹在鍾離良人早歿諸姑癡長淮浪高蛟龍

怒十年不見來何時扁舟欲往箭滿眼杳杳南國多

旌旗嗚呼四歌兮歌四奏林猿為我啼清晝

濠州治鍾離春秋時為鍾離子國楚地漢離之

也按公集中有近聞韋氏妹迎在漢鍾離之女

四山多風溪水急寒雨颯颯枯樹濕

是此

黃蒿古城

雲不開白狐跳梁黃狐立我生胡為在窮谷中夜起

坐萬感集嗚呼五歌兮歌正長魂招不來歸故鄉

魂招不來取歸故鄉也○夢弼曰古城即是指同

谷舊為西康州也楚屈原放逐宋玉作招魂辭

南有龍兮在山湫古木龍從枝相膠木葉黃落龍正
蟄蝮蛇東來水上遊我行怪此安敢出拔劍欲斬且
復休嗚呼六歌兮歌思遲溪壑為我迴春姿獨此歌迴春姿
者願車駕反正之辭也心所同然千載如對○逸曰
湫龍潭也夢弼曰劉安招隱士云山氣龍從兮石嗟
峨洪慶善補音龍力孔切從音摠敏功曰膠
乃枝曲下垂貌夢弼曰蝮方六切大蛇也

男兒生不成名身已老三年饑走荒山道長安卿相
多少年富貴應須致身早山中儒生舊相識但話宿
昔傷懷抱嗚呼七歌兮悄終曲仰視黃天白日速氣聲

畫俱

萬丈潭

夢弼曰同谷縣有鳳凰潭一名萬丈潭蓋兩山危立其下洪澄萬丈

杜集

卷六

五

青溪合冥冥神物有顯晦便合龍依積水蟠窟壓萬

丈內跼步凌垠堦側身下煙靄前臨洪濤寬却立蒼

石大山危一徑盡岸絕兩壁對削成根虛無倒影垂

澹瀨黑如灣潭底清見光炯碎孤雲倒來深飛鳥不

在外高蘿成帷幄寒水壘旌旆遠川曲通流嵌竇潛

洩瀨造幽無人境發興自我輩告歸遺恨多將老斯

遊最閉藏修鱗蟄出入巨石礙造意何事炎天過快

意風雨會夢弼曰張平子西京賦在彼靈囿之中前

慎注垠鄂端崖也字或作鄂亦作鏗通用鄭曰瀨徒

對切猶澹池也水帶沙往來貌漢郊祀志登遐倒景

修可曰康協終南行極丹杉碧壘旌立柿

發同谷縣

公自注乾元二年十二月一日自隴右赴劔門紀行

賢有不黔突聖有不暖席況我飢愚人焉能尚安宅
始來茲山中休駕喜地僻柰何迫物累一歲四行役
忡忡去絕境杳杳更遠適停驂龍潭雲迴首虎崖石
臨岐別數子握手淚再滴交情無舊深窮老多慘感
平生嬾拙意偶值棲遁迹去住與願違仰慚林間翮
洙曰文子曰墨子無黔突孔子無暖席師曰公以昨
歲自諫省出為華州掾今夏棄官發華州秋客秦州
冬離秦州至同谷又發同谷而赴成都是一歲四行
役也夢弼曰龍潭在同谷公七歌云南有龍兮在山
名亦在同谷

木皮嶺

杜集

卷六

三

首路栗亭西尚想鳳凰村季冬攜童稚辛苦赴蜀門
南登木皮嶺艱險不易論汗流被我體祈寒為之暄
遠岫爭輔佐千巖自崩奔始知五嶽外別有他山尊
仰千塞大明俯入裂厚坤再聞虎豹鬪屢跼風水昏
高有廢閣道摧折如短轅下有冬青林石上走長根
西崖特秀發煥若靈芝繁潤聚金碧氣清無沙土痕
憶觀崑崙圖目擊玄圃存對此欲何適默傷垂老魂

洙曰首音狩謂命車向西行也鶴曰栗亭鳳凰村皆
在成都之境魯曰蜀門即劔門也洙曰閣道即棧道
也冬青今之梗柎也左太冲蜀都賦金馬馳光而絕
景碧雞倏忽而曜儀炎曰莊子目擊而道存夢弼曰
崑崙玄圃皆神仙所居時玄宗巡幸之後以蜀郡為
南京故公盛言其風物托之崑崙玄圃而寄所思也

白沙渡

畏途隨長江渡口下絕岸差池上舟楫杳窅入雲漢
天寒荒野外日暮中流半我馬向北嘶山猿飲相喚
水清石礪礪沙白灘漫漫迥然洗愁辛多病一踈散
高巖低嶽峯洪濤越凌亂臨風獨回首攬轡復三歎
洙曰莊子夫畏途者十殺一人則父子兄弟相
戒也鄭曰福魯水切嶽峯山貌上音欽下音吟
水會渡魯曰一云水回渡

山行有常程中夜尚未安微月沒已久崖傾路何難
大江動我前洶若溟渤寬篙師暗理楫歌笑輕波瀾
霜濃木石滑風急手足寒入舟已千憂陟嶽仍萬盤

杜集

卷六

元

回眺積水外始知衆星乾窮而不澁遠遊令人瘦衰疾漸
加餐

飛僊閣

夢弼曰華陽國志諸葛亮相蜀鑿石
駕空為飛梁閣道又酈元水經注云

大劍戍至小劍三十里連山
絕險飛閣相通謂之閣道

土門山行窄微徑緣秋毫棧雲闌干峻梯石結構牢
萬壑歌疎林積陰帶奔濤寒日外澹泊長風中怒號
歇鞍在谷底始覺所歷高往來雜坐卧人馬同疲勞
浮生有定分飢飽豈可逃歎息謂妻子我何隨汝曹

五盤

魯曰謂棧道
盤曲有五重

五盤雖云險山色佳有餘仰凌棧道細俯映江木疎

地僻無網罟水清反多魚好鳥不妄飛野人半巢居
喜見淳朴俗坦然心神舒東郊尚格鬪巨猾何時除
故鄉有弟妹沅落隨邱墟成都萬事好豈若歸吾廬

龍門閣

清江下龍門絕壁無尺土長風駕高浪浩浩自太古
危途中縈盤仰望垂線縷滑石歆誰鑿浮梁裊相柱
目眩墮雜花頭風吹過雨百年不敢料一墜那得取
飽聞經瞿塘足見度大庾終身歷艱險恐懼從此數

趙曰史心亂目眩魏太祖讀陳琳檄愈頭風此
借用其字瞿塘峽名太庾嶺名皆艱險之處也

卷六

石櫃閣

季冬日已長山晚半天赤蜀道多草花江間饒奇石

石櫃曾波上臨虛蕩高壁清暉迴羣鷗四字暝色帶

遠客羈棲負幽意感歎向絕跡信甘孱孺嬰不獨凍

餒迫優游謝康樂放浪陶彭澤吾衰未自由謝爾性

有適唐子西語錄云子美紀行詩如江間饒奇石未
為極勝到暝色帶遠客則不可及已修可曰謝
玄暉封唐樂公孫靈運襲其封與何長瑜等以文章
賞會共為山澤之遊詩家稱康樂乃靈運非玄暉也

桔柏渡鄭曰桔
居肩切

青冥寒江渡駕竹為長橋竿濕煙漠漠江水風蕭蕭

連竿勤嫻娜征衣颯飄颯急流撈鷁散絕岸鼉鼉橋

西轅自茲異東逝余可要高通荆門路闊會滄海潮

孤光隱顧眇遊子悵寂寥無以洗心胸前登山椒

鄭曰笮側柏切洙曰連竹索而為梁謂之笮鶴曰成

都之笮橋是也魯文輜鷗喻舟船也鼉鼉喻橋梁也

驕壯也蒼舒曰釋文

山頂曰巔亦曰椒

以門

劍門夢弼曰按地理志劍州劍門縣有梁山亦名大劍山自蜀出漢中道一山此故

惟天有設險劍閣天下壯連山抱西南石角皆北向

兩崖崇墉倚刻畫城郭狀一夫怒臨關百萬未可傍

珠玉走中原岷峨氣悽愴三皇五帝前雖犬莫相放

後王尚柔遠職貢道已喪至今英雄人高視見霸王

社稷卷六

并吞與割據極力不相讓吾將罪真宰意欲鏹疊嶂

恐此復偶然臨風默惆悵歎地險而惡負固者也○

閣天下壯閣一作門鶴曰劍門背有閣道張孟陽劍

閣銘云惟蜀之門作固作鎮是曰劍閣雖立萬仞洙

曰劍山生石皆北向如拜伏狀趙曰劍門山雖抱西

南而石角北向有面內之義蓋地形雖險而趨中原

自然之勢也詩其崇如墉張協方武館賦云崇墉四

匝洙曰蜀都賦云一人守隘萬夫莫向趙曰珠玉之

於中原必著走字者或曰古之言珠玉謂無翼而飛

無脛而行非謂人之所携持若飛走也岷山在成都

之西青城山是也岷山在成都之西南岷山在成也

遠人困於誅求而悽愴則有悽愴之氣見於岷峨曰二山無情

之物猶且悽愴則有三皇五帝以前難犬之聲不聞乎中國

至秦鑿岷峨以通蜀務在懷柔遠人遠人雖修職貢

而太古淳朴之道已喪夫至今英雄人謂如公孫述

劉備卒孟知之祥楚徒皆乘中國有亂起

而據蜀也趙曰鏹楚徒切韻書云平鐵也

鹿頭山

夢弼曰唐志漢州德陽縣有鹿頭山高崇文擒劉闢處又有鹿頭關

鹿頭何亭亭是日慰飢渴連山西南斷俯見千里豁

遊子出京華劔門不可越及茲險阻盡始喜原野闊

殊方昔三分霸氣曾間發天下今一家雲端失雙闕

悠然想揚馬繼起名碑兀有文令人傷何處埋爾骨

紆餘脂膏地慘澹豪俠窟杖鉞非老臣宣風豈專達

冀公柱石姿論道邦國活斯人亦何幸公鎮踰歲月

洙曰自秦入蜀山嶺重復及下鹿頭關東望成都千里豁然也夢弼曰公歷陟險阻至此豁然足慰飢渴

之望趙曰天下一夢弼曰揚馬所謂借擬官闕已不復見故云失雙關也

皆蜀人趙曰成都富饒之地故指為脂膏也豪俠窟見郭璞云京華遊俠窟而變其字耳夢弼曰冀公謂

杜集

卷六

三

僕射冀國公裴冕也時為劔南節度使陸欽傳宰相國之柱石

成都府

翳翳桑榆日照我征衣裳有何深意我行山川異忽

在天一方但逢新人民未卜見故鄉大江東流去遊

子去日長曾城填華屋季冬樹木蒼喧然名都會吹

簫間笙簧信羨無與適側身望川梁烏雀夜各歸中

原香茫茫憤怨悲感初月出不高眾星尚爭光語次

注者屑屑自古有羈旅我何苦哀傷洙曰淵明歸去

附會可厭桑榆晚日也鄭曰填陟力切定也夢弼曰

曾與層同填或音田滿也洙曰王粲登樓賦雖信羨

而非吾土今留

散悶二首

久客宜旋旆興王未息戈蜀星陰見少江雨夜聞多

五字偏盡蓋是江南又是夜百萬轉深入寰區望匪

聞多字所以入妙非著意對

他司徒下燕趙收取舊山河

希曰深入用孔明表中時

乾元二年七月李光弼為朔方節度使兵馬元帥八

月為幽州長史河北節度以敗賊將留希德及收清

吏橫野等軍加檢校司徒

聞道并州鎮尚書訓士齊幾時通薊北當日報關西

懋闕丹心破雷衣皓首啼老魂招不得歸路恐長迷

洙曰并州太原也時王思禮為帥鶴曰思禮以收東

京戰數有功遷兵部尚書鄴城師潰惟李光弼王思

禮軍獨完尋破思明別將萬餘眾暨光弼徙河陽思

禮代為河東節度治太原持法嚴整人不敢犯洙曰

杜集
薊北乃范陽盧龍等處安史之巢穴也關西者長安以西皆謂之關西也

恨別
三

洛城一別四千里胡騎長驅五六年草木變衰行劍

外兵戈阻絕老江邊思家步月清宵立憶弟看雲白

日眠聞道河陽近乘勝司徒急為破幽燕
洙曰宋玉九辨草木搖落兮變衰趙曰是年十月司徒李光弼敗史思明於河陽幽燕思明窟穴也

補遺

喜薛璩畢曜遷官
東坡別集詩評云別來頭併白相見眼終青此老杜句也讀書頭欲

白相對眼終青身更萬事已頭白相對百年終眼青

看鏡白頭知我老平生青眼為君明故人相見尚青
眼新貴即今多黑頭江上萬里俱頭白骨肉十年
終眼青白頭蓬國上青眼酒樽開此坡谷所為也

寄賈岳州嚴巴州兩閣老

黃常明詩話云老杜有用

綠江路熟俯青郊
沙渚遊目俯大壑
風者甚多不可具述
類者甚多不可具述
掌供奉諫元發令舉事
小則上封事大則廷諍
故寄賈司馬云法駕還
引佳氣拂周旋奉引嚴
書懶性從來水竹居奉
江魚此兩詩所以言供奉
事數問夜如何晚出左掖
以言小則上封事大則廷諍
而善用之者以實為虛
諸生老伏虔老字蓋用趙充國請行上老之

集千家註杜工部詩集卷之六

杜集

卷六

孟

集千家註杜工部詩集卷之七

酬高使君鶴曰公初到成都寓居於浣花溪寺時高適為彭州刺史以詩寄贈

成都府作

古寺僧牢落空房客寓居故人供祿米鄰舍與園蔬

雙樹容聽法三車肯載書草玄吾豈敢賦或似相如

夢弼曰涅槃經云世尊在雙樹間演說如是大經又法華經火宅喻三車牛車羊車鹿車也洙曰漢揚雄

賢用事時雄方草太玄有以自守泊如也又云孝成

帝時容有薦雄文似相如者容齊隨筆云古人酬和

詩必答其來意非若今人為次韻所局也觀文選所

編何允多姑取杜集畧紀之陸高適寄杜公云魏爾東

今已畢此外更何言杜則云草玄吾豈敢賦或似相

壯集

如嚴武寄杜云興發會能馳駿馬終須重到使君灘

嚴詩云何路出巴山重巖細月斑遙知簇鞍馬回首

白雲間嚴峇云卧向山落月時籬外黃花菊對誰

跋馬望君非一度嶺猿秋鴈不勝悲杜送韋迨云洞

庭無過雁書疏莫相忌迨云相憶無南鴈何時有報

章杜云雖無南去鴈看取北來魚郭受寄杜云春與

不知凡幾首杜蒼云藥裏關心詩總廢皆如鍾磬在

覆於是有餘味矣

贈杜二拾遺

高適

傳道招提客詩書自討論佛香時入院僧飯屢過

門聽法還應難尋經剝欲翻草玄今已畢此後更

何言洙曰招提謂佛寺也注詳見前支道與許詢同講維摩經互設難馮翮譚也

奉酬李都督表文早春作

力疾坐清曉來詩悲早春轉添愁伴客更覺老隨人

紅入桃花嫩青歸柳葉新望鄉猶未已四海尚風塵

起十字盡興故接得荏弱有情情已畧盡故入景
史長即如行文不得不爾後人推實軟乏皆未喻

卜居純曰公到成都西北浣花溪作草堂趙曰

楚辭屈原有卜居一篇公倚以為題

浣花溪水西頭主人為卜林塘幽已知出郭少塵

事更有澄江銷客愁無數蜻蜓齊上下一雙鷗鵝對

沉浮盤渦驚浴底心性伯仲之間見伊呂岐王宅裏
崔九堂前巴峽穿巫峽裏陽向洛陽九江日落

一柱觀頭遂有馮夷始知蘼女無數一雙三寸兩個
皆肆筆縱橫有疎野氣大家數不分自今以後此等
不可無俗眼之所遺更以為笑東行萬里堪乘興須

社集

向山陰上小舟鶴曰寰宇記浣花溪在成都西郭外
地屬犀浦縣主人指裴冕也洙曰謝

玄暉詩澄江淨如練蜀有萬里橋在浣花溪之東昔
孔明送吳使至此萬里之行從此始矣因是得名

乘興謂欲傲王子猷月夜泛舟謂戴安道也山陰王
子猷所居之地詩體云引韻便大粘既失粘則若不

拘聲律然其對偶精到謂之骨
格蘓李體老杜卜居一篇是也

王十五司馬弟出郭相訪兼遺營草堂貲

客裏何遷次江邊正寂寥肯來尋一老愁破是今朝

憂我營茅棟攜錢過野橋他鄉唯表弟還往莫辭遙

堂成

背郭堂成蔭白茅綠江路熟俯青郊檉林礙日吟風

葉公自注檉木名不材可充
薪而已惟蜀地最宜種籠竹和煙滴露梢暫止

飛鳥將數子頰來語燕定新巢旁人錯比揚雄宅頰
情無心作解嘲夢弼曰蜀中記王壘以東多楹木易成而可薪美蔭而不害然余嘗歷攷
韻書無楹字詢之蜀人相傳以為印宜切後見王荆
公集中有薛秀才楹木詩云濯錦晚邊木有楹小園
封殖佇華滋地偏幸免桓黓伐歲籠聒同庾信移則
知印宜切為是也又蜀有宅一區世世以農桑為業袁
揚雄傳雄有田一廛有宅一區世世以農桑為業袁
帝時丁傳董賢用事雄方草太玄或嘲雄以玄尚白
而雄解之號曰解嘲左太冲詠
史詩寂寂揚子宅門無卿相輿

遊修覺寺

野寺江天豁山扉花竹幽詩應有神助吾得及春遊
徑石相縈帶川雲自去留禪枝宿衆鳥漂轉暮歸愁

夢弼曰庾信安昌寺碑云禪枝四靜
慧窟三明孟浩然詩禪枝怖鶴棲

壯集

後遊

卷七

三

寺憶曾遊處橋憐再渡時江山如有待花柳更無私

必如此可以言氣象矣野潤煙光薄沙暄日色遲客愁全為減

捨此復何之

賓至

幽棲地僻經過少老病人扶再拜難豈有文章驚海

內謾勞車馬駐江干此與後文場語意似竟日淹留佳客坐百

年羸癯腐儒餐不嫌野外無供給乘興還來看藥欄

洙曰詩賓之河之干兮注干涯也梁萬雲詩江干遠
樹浮羸癯羸衣羸食也茗溪胡元任曰李濟翁資暇

集謂園亭中藥欄欄即藥藥即欄猶言圍援也乃弓
漢宣帝詔曰此藥未御者假與貧民誤以藥為藥遂

穿鑿為說以解子美詩中云常苦沙崩損藥欄及乘
興還來看藥欄之意復齋謾錄又從而信之皆過矣
愚謂子美詩云藥欄者直花藥之欄檻耳

狂夫

萬里橋西一草堂百花潭水即滄浪風含翠篠娟娟
靜雨裊紅蕖冉冉香厚祿故人書斷絕恒飢稚子色
淒涼欲填溝壑唯疎放極無可柰自笑狂夫老更狂
洙曰蜀有萬里橋注見前鶴曰按寰宇記公之宅接
浣花溪地名百花潭上今公言潭水之清可比之滄
浪也洙曰唐舊史言公於成都浣花里結廬枕江與
田峻野老相狎嚴武過之有時不冠而見則狂可知
矣

有客

杜集

卷七

四

患氣經時久臨江卜宅新喧卑方避俗疎快頗宜人
有客過茅宇呼兒正葛巾自鋤稀菜甲小摘為誰親

師曰公嘗有肺疾故云患氣經時久也
夢弼曰謝靈運永嘉記以小摘供日

蜀相

夢弼曰諸葛武侯廟在成都西南

丞相祠堂何處尋錦官城外柏森森映堦碧草自春
色隔葉黃鸝空好音三顧頻繁天下計兩朝開濟老

臣心出師未捷身先死長使英雄淚滿襟全首如此
一字一淚

矣○寫得使人不忍讀故以為至○千年遺下此語
使人意傷○孫季昭曰按蜀本杜詩並作錦官城注
云成都府城亦呼為錦官城以江山明麗錯雜如錦
也趙云或以其有錦官如銅官鹽官之類其說亦是
不然詩每官成一集所著錦官集蓋鎮成都府時作

也則身親見成都錦官城故取以名之况杜子美
嘗卜居成都浣花里其用官字必無誤當以蜀本為
正洙曰廟有古柏乃武侯手植也荆公語錄映塔碧
草自春色隔葉黃鸝空好音此止詠武侯廟而託意
在其中矣誠齋詩話句有偶似古人之者亦有述之者
杜子美武侯廟詩云映碧草自春人亦有述之者
好音此何遜行孫氏映碧草自春人亦有述之者
出清月波中巖際宿孤山中巖際樹響攏月雲巖際
花逐下風入度山雲此聯勝度溪風又云水
劍長捲一戎衣杜云風塵三尺劍社稷一戎衣亦勝
度矣洙曰本傳徐庶謂先主曰諸葛孔明也
軍宜枉駕顧之先主遂請亮凡三往見兩朝言先
主及其子禪後主也夢弼曰亮表頻繁省闈出總
六軍洙曰本傳亮悉大衆由斜谷出據武功五丈原
與司馬懿對於渭南相持百餘日疾卒於軍中

杜集
石笋行
田曰按石笋在成都西門外二株雙
蹲一南一北北笋長一丈六尺圍極
於九尺五寸南笋長一丈三尺圍極於一丈
二尺蓋南笋公孫述時折故長不連北笋

君不見益州城西門陌上石笋雙高蹲古來相傳是
海眼苔蘚食盡波濤痕雨多往往得瑟瑟此事恍惚

難明論恐是昔時卿相墓立石為表今仍存惜哉俗
態好蒙蔽亦如小臣媚至尊政化錯迤失大體坐着

傾危受厚恩嗟爾石笋擅虛名後生未識猶駿奔安
得壯士擲天外使人不疑見本根率然兩語補拾成

言共石狀蒙蔽不足指某事某事之牽合譬喻也○
鶴曰成都府舊為益州田曰杜光庭石笋記云舊傳
石笋之名有六曰石笋曰蜀妃闕曰沉犀石曰魚鳧
仙壇曰西海之眼曰五丁石門又成都記云距石笋
二三日忽不見故有海眼之說彦輔曰成都記石笋

五日忽不見故有海眼之說彦輔曰成都記石笋

及林亭池石之地兩過必有小珠或青黃如粟者亦
有細孔可以絲貫夢弼曰蜀都故事石樓十間皆以
也昔有胡人於此立寺為大秦寺其門樓在每有火
真珠翠碧貫之為簾後推毀墮地唯故基在每有火
雨其前後人多得真珠瑟瑟金翠異物等蒼舒曰按
博雅瑟瑟碧珠也蜀陽雜編云武都郭中夫化為女
薄無與為比珠也蜀王本紀云武都郭中夫化為女
蜀王納以為妃無幾物故葬於成都郭中夫為鏡
一表其墓又華陽國志云紀死王遣五丁至武都
擔土作冢立其石因名石笋希曰寰宇記望帝禪位
于相號開明帝開明下五葉復稱王始立宗廟時天
生五丁力士能徙山每一士死輒為立石長三丈
重千鈞為墓誌趙曰小臣擅權之跡甚彰也
國也時輔國離間二宮擅權之跡甚彰也

漫興九首

眼見客愁愁不醒無賴春色到江亭即遣花開深造

次便教罵語太丁寧即遣便教正是詩意

杜集

卷一

六

手種桃李非無主野老牆低還是家恰似春風相欺

得夜來吹折數枝花疎野有佳致○蔡寬夫詩話云

桃杏映籬斜裝點商州副使家何事春風容不得和

絲吹折數枝花其子嘉祐云老杜嘗有恰似春風相

欺得夜來吹折數枝花之句語頗相似因請易之元

與樂天為後進敢期杜甫是前身

熟知茅齋絕低小江上燕子故來頻銜泥點污琴書

內更接飛蟲打著人其閨情院體又如此

二月已破三月來漸老逢春能幾回莫思身外無窮

事且盡生前有限杯杜詩如此則樂天矣○孫季昭曰

如二月已破三月來一片花飛減却春朝麗香煙攜

字破字携字於字
絆字皆不可及

腸斷春江欲盡頭
杖藜徐步立芳洲
顛狂柳絮隨風舞
輕薄桃花逐水流

懶慢無堪不出村
呼兒自在掩柴門
蒼苔濁酒林中靜
碧水春風野外昏
善白遣
如此

糝徑楊花鋪白氈
點溪荷葉疊青錢
筍根稚子無人見
沙上鳧雛傍母眠
平常景多少幽意為小
儒牽強解事讀之可惜

舍西柔桑葉可拈
江上細麥復纖纖
人生幾何春已夏
不放香醪如蜜甜

隔戶楊柳弱嫋嫋
恰似十五兒女腰
誰謂朝來不作暮
杜集
卷七
七

意狂風挽斷最長條
野人漫興深入情
盡豈復有能注者
題新津北橋樓得郊字
鶴曰新津縣在蜀州
公居成都嘗暫如新

津故有題
北橋樓詩
望極春城上開筵
近鳥巢白花簷
外采青柳檻前
梢

此梢采却全嫩故
轉入老語生強
池水觀為政厨煙覺遠庖
西川供客眼唯有此江郊

雲山
京洛雲山外音書靜
不來神交作賦容
力盡望鄉臺

此神交力盡亦開合展轉盡
是無可柰何者多看過了
衰疾江邊卧親朋日暮
迴白鷗元水宿何事有餘哀
夢弼曰京言長安西都
也洛言洛陽東都也作

賦容指班孟堅張衡也孟堅作西都東都賦張衡作
西京東京賦洙曰晉嵇康與阮籍山濤為神交成都
記有望鄉臺隋蜀王秀所築鄭曰益州
記昇仙亭夾路有二臺一曰望鄉臺

杜鵑行

夢弼曰成都記杜宇亦曰杜主自天
城時荆人鼈令死其尸沂江號曰開明會下
復生見人遭洪水開明為鑿通流而大功望

山江壅人遭洪水開明為鑿通流而大功望
帝因以其位禪之望帝死其魂化為鳥名曰
杜鵑亦曰子規鶴曰寰宇記望帝以德不如
鼈令因禪位於鼈令號開明遂自去化為
杜鵑鳥故蜀人聞杜鵑鳴曰是我望帝也

君不見昔日蜀天子化為杜鵑似老烏寄巢生子不

自啄羣鳥至今為哺雛雖同君臣有舊禮骨肉滿眼

身羈孤業工竄伏深樹裏四月五月偏號呼其聲哀

杜集

卷一

八

痛口流血所訴何事常區區爾豈摧殘始發憤羞帶

羽翮傷形愚蒼生變化誰料得萬事反覆何所無萬

事反覆何所無豈意當殿羣臣趨夢弼曰博物志杜

百鳥為飼之蔡寬夫詩話云鮑照行路難云愁思忽
而至跨馬出北門舉頭四顧望但見松柏荆棘鬱蹲
蹲中有一鳥名杜鵑言是古時蜀帝魂聲音哀苦鳴
不息羽毛憔悴似人髡飛走樹間逐蟲蟻豈憶昔日
天子尊念此死生變化非常理中心惻愴不能言與
子美杜鵑行語意極相類或云子美此詩為明皇遷
居西內有感而作也

為農

錦里煙塵外江村八九家圓荷浮小葉細麥落輕花
卜宅從茲老為農去國賒遠慚勾漏令不得問丹砂

呂氏童蒙訓曰潘邠老云七言詩第五字要響如返
照入江翻石壁歸雲擁樹失山村翻字失字是響字
也五言詩第三字要響如圓荷浮小葉細麥落輕花
浮字落字是響字也所謂響者致力處也予竊以為
字字當活活則字字自響沫曰晉葛洪年老欲煉丹
以祈遐壽聞交趾出丹砂求為勺漏令帝以洪資高
不許洪曰非欲為榮
以有丹耳帝從之

梅雨 趙曰周處風土記云夏至前雨名黃梅雨

南京犀浦道四月熟黃梅湛湛長江去冥冥細雨來

與乾坤萬里眼 同得之容易 茅茨疎易濕雲霧密難開竟日蛟龍

喜盤渦與岸回 沫曰玄宗幸蜀還至德二載改成都府有犀浦縣蓋李冰嘗以石犀壓水怪犀浦之名或本此沫曰郭璞江賦盤渦谷轉凌濤山類

田舍 杜集 卷七 九

田舍清江曲柴門古道傍草深迷市井地僻嬾衣裳

欒柳枝枝弱枇杷樹樹香鷓鴣西日照曠翅滿漁梁

江村

清江一曲抱村流長夏江村事事幽自去自來堂上

燕相親相近水中鷗老妻畫紙為碁局稚子敲針作

釣鉤 語意近放 多病所須惟藥物微軀此外更何求 全首高曠

真野人之能言者

江漲

江漲柴門外兒童報急流下牀高數尺倚杖沒中洲

細動迎風燕輕搖逐浪鷗漁人縈小楫容易拔船頭

題壁上韋偃畫馬歌夢弼曰朱景玄畫斷云韋偃京北人寓居於蜀

工畫馬居閒常以越筆點簇鞍馬或戲或飲或驚或正頭或點尾曲畫其妙宛全其真實

韓幹之亞也

韋侯別我有所適知我憐君畫無敵戲拈秃筆掃驊

駟欬見騏驎出東壁一匹斲草一匹嘶坐看千里當

霜蹄當字好佳處正在當時危安得真致此與人

同生亦同死容齋隨筆云江山登臨之美泉石賞既

丹青之妙好事君子嗟歎之不足者則又以逼真目

之如老杜人間又見真乘黃時危安得真致此悄然

坐我天姥下斯須九重真龍出憑軒忽若無丹青高

堂見生鶻直訝松杉冷兼疑菱苻香之句是也以真

為假以假為真均之為妄境

耳人生萬事如是何特此耶

社集

十日畫一水五日畫一石能事不受相促迫王宰始

肯留真跡多言壯哉崑崙方壺圖掛君高堂之素壁

巴陵洞庭日本東赤岸水與銀河通他句法別謂其

本與赤岸然下語荒忽中有雲氣隨飛龍舟人漁子

如此自是老氣逼人

入浦淑山木畫亞洪濤風好尤工遠勢古莫比咫尺

應須論萬里馬得并州快翦刀翦取吳松半江水赤

巴陵岳陽也洞庭在其左海東有日本國本中曰赤

岸在廣陵南兖州記曰瓜步山東五里江有赤岸山

南臨江中濤水自海入江衝激六七百里至此岸側

其勢始衰郭景純江賦鼓洪濤於赤岸夢符曰南岸史

戲題王宰畫山水圖歌夢弼曰畫斷云王宰家於西蜀能畫山水

意外

卷一

十

齊武帝孫賁字文奐能書盡於扇上圖山水咫尺之內便覺萬里為遙矜慎不傳自娛而已趙曰吳松言吳地之松江也蔡條西清詩語云蕭文奐能書善畫於扇上圖山水咫尺之內便覺萬里為遙老杜戲題山水圖云尤工遠勢古莫比咫尺應須論萬里作讀似非用事如男兒既甲冑長揖別上官用介冑之士不拜婦人在軍中兵氣恐不揚用軍中豈有女子乎皆用意而隱其語

戲韋偃為雙松圖歌夢弼曰名畫記韋偃作老松異石筆力勁健人

知其善畫馬不
知松石更工也

天下幾人畫古松畢宏已老韋偃少磊落氣槩絕筆長風

起織末滿堂動色嗟神妙兩株慘裂苔蘚皮屈鐵交

錯迴高枝白摧朽骨龍虎死黑入大陰雷雨垂冥思立構

畫者不松根胡僧憇寂寞厖眉皓首無住著偏袒右

杜集 卷一 十一

肩露雙脚葉裏松子僧前落韋侯素相見我有

一匹好東絹重之不減錦繡段已令拂拭光凌亂請

公放筆為直幹此起此結吞吸傾倒○夢弼曰名畫記畢宏大曆間為給事中畫松石於

左省廳壁好事者皆詩詠之其畫檀名當代修可曰

楞嚴經名無住行名無著行公取而合用之也洙曰

金剛經偏袒右肩右膝著地鶴曰梓州鹽亭縣出絹

甚良時人謂之鷲溪絹即東絹也誠齋詩話云麒麟

國書鴻鴈行紫極出指揮能事回天地訓練強兵動

鬼神又路經滌灑雙鬢天入

滄浪一釣舟此杜子美詩體也

赴青城縣出成都寄陶王二少尹鶴曰青城縣屬蜀州

在成都之西按成都府有少尹二人掌貳府州之事歲次則更次入計

老被樊籠役貧嗟出入勞容情投異縣詩態憶吾曹

東郭滄江合西山白雪高文章差底病文章濟甚事耳注誤迴

首興滔滔洙曰蜀城之東二水合流而南下土人謂之合水西山上有積雪經夏不消相接青

城趙曰差病校也

野望因過常少僊鶴曰少府當是常徵君公後有寄常徵君詩云徵君

晚節旁風塵豈晚年却出仕耶

野橋齊度馬為不必畫者秋望轉悠哉竹覆青城合

江從灌口來入村樵徑引嘗果栗園開落盡高天日

幽人未遣回洙曰青城山名灌口地名俱在蜀灌口昔秦守李冰疏鑿離堆以灌蜀土因而

名得

丈人山彥輔曰青城山記云此山為五岳之長故名丈人有丈人觀

杜集朱七

自為青城客不啻青城地磊磊落落為愛丈人山丹梯近

幽意丈人祠西佳氣濃綠雲擬住最高峰掃除白髮

黃精在君看他時冰雪容

出郭

霜露晚淒淒高天逐望低遠煙鹽井上斜景雪峰西

故國猶兵馬他鄉亦鼓鞞江城今夜客還與舊烏啼

立之曰蜀有鹽井遠煙謂煮鹽也洙曰雪峰即西山也上有積雪經夏不消

泛溪鶴曰即浣花溪

落景下高堂進舟泛迴溪誰謂築居小未盡喬木西

遠郊信荒僻秋色有餘淒練練峰上雪纖纖雲表霓

童戲左右岸，弔畢提攜翻。倒荷芰亂指，揮逕路迷。
得魚已割鱗，採藕不洗泥。人情逐鮮美，物賤事已睽。
吾村靄暝姿，異舍雞亦棲。蕭條欲何適，出處庶可齊。
衣上見新月，霜中登故畦。濁醪自初熟，東城多鼓鼙。

馮曰：練練白貌。趙曰：江淹麗色賦：練練而欲奪吳。鈞詩：練練波中月，皆取白之義也。莊子曰：畢弔多鳥亂於上，網罟多魚亂於下，蓋網罟以取魚，畢弔以取鳥。今謂畢提攜者，又畢盡之義。言兒戲至盡攜畢弔，以取魚鳥也。希曰：史思明是年入東京，故云東城多鼓鼙也。

贈蜀僧閻印師兄

公自注：太常博士均之孫。

大師銅梁秀，籍籍名家孫。嗚呼先博士，炳靈精氣奔。

惟昔武皇后，臨軒御乾坤。多士盡儒冠，墨客藹雲屯。

杜集

卷七

三

當時上紫殿，不獨卿相尊。

此語最得大意。

世傳閻印筆，峻極

逾崑崙。鳳藏丹霄暮，龍去白水潭。青熒雪嶺東，碑碣

舊製存。斯文散都邑，高價越瓊璠。晚看作者意，妙絕

與誰論。吾祖詩冠古，同年蒙主恩。豫章夾日月，歲久

空深根。小子思疎闊，豈能達詞門。窮愁一揮淚，相遇

即諸昆。我住錦官城，兀居祇樹園。地近慰旅愁，往來

當印樊。天涯歇滯雨，粳稻卧不翻。漂然薄遊倦，始與

道侶敦。敦景晏步脩，廊而無車馬。喧夜闌，接軟語。落月

如金盆。漠漠世界黑，驅驅爭奪繁。惟有摩尼珠，可照

濁水源。

夢弔曰：銅梁山名，在劍南合州。銅梁縣此言。間印鍾銅梁之秀氣而生也。涿曰：揚子雲長。

揚賦藉翰林以為主人子墨為客卿以風班孟堅西
都賦琳珉青燧田曰東蜀牛頭山下有閭印均撰瑞
聖寺磨崖碑嚴政書寺今為天寧羅漢禪院鶴曰公
之祖杜審言也按本傳武后召審言將用之問卿歡
喜否審言蹈舞謝后令賦歡喜詩歎重其文授著作
郎遷膳部員外郎時與均同朝也後山詩話云魯直
言杜之詩法出審言句法出庾信但及過耳苕溪朝
元任曰老杜亦自言吾祖詩冠七年乃可知法曰金
剛經佛在舍衛國祇樹給孤獨園夢弼曰華嚴經善
薩摩訶薩有十種語一者柔軟語能使一切眾生得
安穩故維摩經常以軟語眷屬不離捫蝨新話陶淵
明詩采菊東籬下悠然見南山采菊之際無意於山
而景與意會此淵明得意處也而老杜亦曰夜闌接
軟語落月如金盆子愛其詩度閒雅不減淵明而語
句雄健過之每詠此二詩便覺當時清景盡在目前
譬如清淨摩尼寶珠映於五色瓊方各現宣室志云
馮翊嚴生家漢南峴山得一珠如彈丸各色胡人
曰此西國清珠也若至濁水冷然洞徹矣

杜集

野老

卷一

古

野老籬前江岸迴柴門不正遂江開漁人網集澄潭
下賈客船隨返照來洪句削長路關心悲劔閣片雲何
意傷琴臺此等亦與王師未報收東郡城闕秋生畫
角哀公自注得意無異王師未報收東郡城闕秋生畫
相如與文君賞酒處夢弼曰趙道志成都琴臺即
琴臺在浣花溪北鶴曰去年田神功破思明陷京如
濟汝鄭滑四州是年六月田神功破思明陷京如
州然東郡與諸郡猶未復夢弼曰東郡今滑州也後
漢志東郡治濮陽杜預曰古衛地趙曰時
成都陞為南京故公自注得稱城闕也

一室

一室他鄉遠空林暮景懸正愁聞塞笛獨立見江船

尺當
如此
巴蜀來多病荆蠻去幾年應同王粲宅留井峴
山前洙曰成都記其西即隴之南首故曰隴蜀以與
有王粲故宅粲字仲宣宅
前有井人呼為仲宣井

北鄰

明府豈辭滿藏身方告勞也好青錢買野竹謂卜築之意

白憤岸江臯愛酒晉山簡能詩何水曹時來訪老疾

步屨到蓬蒿洙曰後漢張湛傳明府注郡所居曰府

為明府此詩云明府者其王明府歟王從公遊公亦

有詩與之夢弼曰辭滿謂任滿辭去也謝靈運詩離

滿豈多秩謝病不言午趙曰青錢蜀人語謂簡錢也

洙曰劉隗岸憤大言意氣自若夢弼曰晉山簡鎮襄

陽于時四方寇亂簡優游卒歲唯酒是耽每出游多

之習氏他上置酒輒醉名之曰高陽池洙曰何遜八

杜集

歲能賦詩為名沈所稱仕梁為水部員外郎孫曰

歷悉協切履薦也洙曰張仲蔚所居蓬蒿沒人

南鄰

錦里先生烏角巾園收芋栗不全貧慣看賓客兒童

喜得食堦除烏雀馴秋水纜深四五尺野航恰受兩

三人淺溪小艇本是實景白沙翠竹江村暮相送柴

門月色新看幾過後見朱韋齊舉此倍覺有懷有懷

有所喜用字如修竹不受暑故見范元實詩眼云工部

受和風輕燕受風斜受字皆入妙老坡尤愛輕燕受

風斜以謂燕迎風低飛乍前乍却非受字不能形容

也至於能事不受相促迫莫受二毛侵雖不及前句

警策要自

聽愜爾

村夜

風色蕭蕭暮江頭人不行村春雨外急鄰火夜深明
然自胡羯何多難漁樵寄此生中原有兄弟萬里正含
情

奉簡高三十五使君

鶴曰高適時為蜀州刺史

當代論才子如公復幾人驂騑開道路鷹隼出風塵

行色秋將晚交情老更親天涯喜相見披豁對吾真

寄楊五桂州譚

公自注因州參軍段子之仕

寄楊五長史詩時楊長史必自桂而徙廣州也

五嶺皆炎熱宜人獨桂林梅花萬里外雪片一冬深

聞此寬相憶為邦復好音江邊送孫楚遠附白頭吟

杜集

卷七

共

夢弼曰陳藏器云桂林嶺因桂得名又山海經云桂林有八桂在番禺東注八樹成林言其大也鶴曰桂林雖居嶺外然治古始安隸荆林之零陵非鬱林州之桂林故白樂天亦云桂林無瘴氣茲所以宜人也嶺南無雪獨桂林有之花成大云靈州興安之間兩山蹲踞中容一馬謂之嚴關朔雪至開輒止大威則度關至桂州城下不復南矣北城舊有樓曰雪觀所以夸南州也夢弼口大庾嶺謂之梅嶺去長安萬里洙曰晉孫楚字子荆嘗為驃騎將軍石苞參軍夢弼曰古樂府有白頭吟言交情多喜新而厭故也

西郊

時出碧雞坊西郊向草堂市橋官柳細江路野梅香

風韻 倚架齊書帙看題減藥囊 看有無減去無 無人

覺來往 荆公看 踈嬾意何長 洙曰成都碧雞坊按

益州有金馬碧雞之神可醮祭而致於是遣王褒持節而求之夢弼曰按窠宇記市橋在州之西趙曰荆

公本作覺來甚善余嘗讀梁徐姚婦題甘蕉示人
曰夕泣已非疎夢啼真大錯唯當夜枕知過此無人
覺舊本作競誤矣荆公語錄老杜云無人覺來往下
得覺字大好曠色赴春愁下得赴字大好若非覺字
赴字即小兒言語足見
吟詩要一字兩字工夫

和裴迪登蜀州東亭送客逢早梅相憶見寄

東閣官梅動詩興還如何遜在揚州起得稱情此時對雪

遙相憶送客逢春可自由幸不折來傷歲暮若為看

去亂鄉愁亦宛變江邊一樹垂垂發朝夕催人自白

頭夢弼曰何遜嘗為廣陵記室按集有揚州早梅詩
曰兔園標物序驚時最是梅街霜當露發映雪凝

寒開枝橫却月觀花遠凌風臺朝灑長門
泣夕驅臨印杯應知早飄落故逐上春來

蕭八明府宴處覓桃栽

杜集

卷七

七

奉乞桃栽一百根春前為送浣花村河陽縣裏雖無

數濯錦江邊未滿園夢弼曰晉潘岳字安仁為河陽
縣令滿縣種桃李人號曰河陽

一縣花今公以河陽比
蕭明府所治之邑也

憑何十一少府邕覓檜木數百栽鶴曰何邕
為利州綿

谷縣尉與公為鄉人後
有贈別何邕詩可考也

草堂壑西無樹林非子誰復見幽心飽聞檜木三年

大公自注蜀人以檜
為薪三年可燒與致溪邊十畝陰子美自是遭
楊子林之亂

又之蜀之綿之梓未嘗得檜用也○嚴有翼藝苑
黃云東坡次介甫韻詩所竹穿花破綠苔小詩端為

木三年已足燒又後山詩三項良田不難買三年檜
木行可檜檜字遍尋字書無之詢之蜀人則相傳

為印宜切及按介甫絕句以檜字為韻與移字同押

則如印宜切為是也老杜有覓橙木栽詩飽聞橙木
三年大與致溪邊十畝陰注蜀人以橙為薪三年可
燒又堂成詩橙林礙日吟風葉籠竹和煙滴露
梢注橙木名不材可充薪而已惟蜀地最宜種

憑韋少府班覓松樹子栽鶴曰後有浩江泛舟送韋班詩韋當

是為浩江尉

落落出羣非檉柳青青不朽豈楊梅欲存老蓋千年

意為覓霜根數寸栽夢弼曰把朴子有天陵偃蓋之松百陽雜俎世傳松千歲方頂

平僂蓋

又於韋處乞大邑瓷盃公自注大邑在臨邛

大邑燒瓷輕且堅扣如哀玉錦城傳君家白盃勝霜

雪急送茅齋也可憐

杜集

卷七

六

早起上元二年成都作

春來常早起幽事頗相關帖石防墮岸開林出遠山

一邱藏曲折緩步有躋攀童僕來城市餅中得酒還

趙曰漢書班固書曰夫嚴子若樓遲於一邱天下不易其樂

琴臺夢弼曰按十道志成都府有琴臺即相如與文君賞酒處又成都記成都在浣花

溪之北梁蕭藻鎮蜀增建樓臺以備遊觀元武伐蜀下營於此掘得大罌二十餘口蓋所以響琴也隋蜀王秀更增五臺於舊臺為六馬

茂陵多病後尚愛卓文君酒肆人間世琴臺日暮雲

長卿懷抱野花留寶曆萋草見羅裙歸鳳求凰意寥

家不復聞洙曰司馬相如字長卿成都人消渴病事武帝為郎後病免家居茂陵初相如嘗

家不復聞洙曰司馬相如字長卿成都人消渴病事武帝為郎後病免家居茂陵初相如嘗

過臨印臨印富人卓王孫為具召相如及臨印
酣臨印令前奏琴曰竊聞長卿好琴心挑之文君夜
王孫有女文君新寡好音相如以琴心挑之謂長卿
奔相如與馳歸成都家徒四壁立文君不樂謂長卿
第俱如臨印從昆弟假貸猶足以為生相如乃與俱
之臨印盡賣車騎置酒舍今文君當壚相如親滌器
於市中鄭曰鬻益涉切頰也修鄉遊四海求其
詠載相如琴歌曰將何怡鳳兮歸故鄉遨遊四海求
此芳室未通分退愁我腸何緣今文君登斯堂有艷
今風相從我棲得托字尾求為妃交情通體心相怡
悲夜相從知者誰雙羽俱起翔高飛無感我心使予

漫成二首

野日荒荒白春流泚泚清兩語皆傷心而荒荒尤警

也渚蒲隨地有村徑逐門成無緊要語而盡鄰曲橫

社集卷七

只作披衣慣披却是暗用莊子常從漉酒生眼邊無俗

物多病也身輕如老杜野日荒荒白江流泚泚清退

之云月吐窓罔皆造微入妙洙曰陶潛以葛巾漉

酒王直方詩話老杜云眼邊無俗物多病也身輕樂

天亦有眼前無俗物身外即僧居之句然不為人所稱也

江臯已仲春花下復清晨仰面貪看鳥回頭錯應人

偶然語偶讀書難字過有味對酒滿壺頻近識峨眉

老公自注東知余懶是真洙曰楚詞朝馳子馬兮江

性緩故云江臯石曰峨眉山在蜀

舍南舍北皆春水但見群鷗日日來又是花徑不曾

客至公自注喜崔明府相過

緣客掃蓬門今始為君開盤餐市遠無兼味樽酒家
貧只舊醅肯與鄰翁相對飲隔籬呼取盡餘杯

江畔獨步尋花七絕句

江上被花惱不徹無處告訴只顛狂走覓南鄰愛酒

伴公自注斛斯經句出飲獨空牀每誦數過可歌可

老罷休無賴歸來省醉眠即斛斯融也

稠花亂藥裹江濱行步敢危寶怕春怕春語激詩酒尚堪

驅使在未須料理白頭人

江深竹靜兩三家多事紅花映白花報荅春光知有

處應須美酒送生涯

東望少城花滿煙百花高樓更可憐誰能載酒開金

盞喚取佳人舞繡筵豪直是豪放直是放今人愛惜

亞少城張儀所築紆曰左太冲蜀都賦

黃師塔前江水東春光懶困倚微風桃花一簇開無

主可愛深紅愛淺紅放翁曾用此句格似以可

黃四娘家花滿蹊千朵萬朵壓枝低留連戲蝶時時

舞自在嬌鶯恰恰啼駘蕩稱情○政是子美借四娘

胡元任曰齊魯大臣二人而史失其名黃四娘者獨

不是愛花即欲死只恐花盡老相催繁枝容易紛

落嫩蘂商量細細開

春水生二絕

二月六夜春水生門前小灘渾欲平
鷓鴣鷓鴣莫漫喜吾與汝曹俱眼明

一夜水高二尺強數日不可更禁當
南市津頭有船賣無錢即買繫籬傍

此八九絕皆放蕩自然足洗凡陋何必竹枝樂府哉

春夜喜雨

好雨知時節當春乃發生隨風潛入夜潤物細無聲

有善歌詩者以此為相業亦有味乎其言之至也造次敷露與雨露之所需甘苦齊結實兩句同真有德者氣野徑雲俱黑江船火獨明曉看紅濕處花重錦

官城

杜集

遣意二首

卷七

五

轉枝黃鳥近泛渚白鷗輕一徑野花落孤村春水生

衰年催釀黍細雨更移橙

自然知是好語釀黍移漸橙不無點檢幽與亦稱

喜交游絕怨幽居不用名

簷影微微落津流脉脉斜野船明細火宿鴈起圓沙

雲掩初弦月香傳小樹花鄰人有美酒稚子也能賒

放翁以也字作夜音最得村意

春水

三月桃花浪江流復舊痕朝來沒沙尾碧色動柴門

接縷垂芳餌連筒灌小園已添無數鳥

添無數謂一春生成也最

是樂 志來春桃花水盛顏師古注曰月令仲春之月始雨
集波濤盛長故謂之桃花水
趙曰古詩寄語故林無數鳥

江亭

坦腹江亭暖長吟野望時水流心不競雲在意俱遲

閒言閒語非 寂寞春將晚欣欣物自私 更無私自好
實

一也人自以為私 故林歸未得排悶強裁詩 張

則無私矣最是相意 出岫鳥倦飛而知還杜子

詔曰陶淵明云雲無心而出岫鳥倦飛而知還杜子

美云水流心不競雲在意俱遲若淵明與子美相易

其語則識者往往以謂子美不及淵明矣觀其云雲

無心鳥倦飛則知其本意至於水流而心不競雲

在而意俱遲則與物初無 淪難輕議也

杜集

徐步

卷一

三二

整履步青蕪荒庭日欲晡芹泥隨鷺觜花藥上蜂鬚

把酒從衣濕吟詩信杖扶敢論才見忌實有醉如愚

寒食

寒食江村路風花高下飛 歐公意 汀煙輕冉冉竹日

淨暉暉田父要皆去鄰家問不違地偏相識盡雞犬

亦忘歸

石鏡 洙曰成都記武都山精化為女子蜀王

山土築為塚蓋地數 畝以石鏡表其門

蜀王將此鏡送死置空山冥冥憐香骨提攜近玉顏

衆妃無復歎千騎亦虛還獨有傷心石埋輪月宇間

少年行二首

莫笑田家老瓦盆自從盛酒長兒孫傾銀注玉驚人
眼共醉終同臥竹根

巢鷺養雛渾去盡江花結子也無多黃衫年少來宜

數不見堂前東逝波此少年行四句耳然極動盪為勸甚遠○趙曰黃衫想唐人貴

遊之服也鶴曰唐高祖武德間勅庶人服綉純布其色通用黃

戲作花卿歌夢弼曰花卿名敬定劍南節度

段子璋反東川節度李真敗走於是光遠率敬定討之子璋既誅敬定恃功大掠肅宗聞

之怒由是不見擢用公作花卿歌蓋痛惜之也鶴曰按史上元二年四月壬午段子璋反

杜集

卷七

成都猛將有花卿學語小兒知姓名用如快鷲風火

生見賊唯多身始輕綿州副使著柘黃我卿掃除即

日平子璋髑髏血模糊手提擲還崔大夫蘇言鄙語調笑入神

李侯重有此節度人道我卿絕世無既稱絕世無天

子何不喚取守京都蒼舒曰南史曹景宗謂所親曰昔在鄉里騎快馬如龍與年少

輩數十騎拓弓弦作礮鏗聲放箭如餓鷄叫平澤覺逐麀數助射之渴飲此樂使飢食其胃甜如老露漿覺

耳後生風鼻尖出火此樂使飢食其胃甜如老露漿覺鶴曰按舊史東川節度治梓州管絲劍榮遂等州此

云蘇州副使者蓋是時于璋適治蘇州也洙曰著柘黃言其借乘與服色也夢弼曰李侯謂與也子璋反

度也重平聲山谷曰子璋與得歸本鎮故云重有此節想見其人也楊明叔為余言花卿塚在丹稜之

東館鎮至今有英氣血食其鄉見封為忠應公

高柎

鄭曰柎那舍切木名俗作楠

柎樹色冥冥江邊一蓋青近根開藥圃接葉製茅亭

落景陰猶合微風韻可聽尋常絕醉困卧此片時醒

泐曰蜀志先主舍東南角籬上有桑樹遙望見童童如小車蓋

惡樹

獨遶虛齋徑常持小斧柯幽陰成頗雜惡木翦還多

柯杞固吾有雞棲柎汝何方知不材者生長謾婆娑

趙曰惡木不蔽障故柯杞可遂其生但翦去木枝以防雞栖耳莊子此木以不材得終其天年

戲為六絕

庾信文章老更成凌雲健筆意縱橫今人嗤點流傳

杜集

卷一

五

賦不覺前賢畏後生

楊王盧駱當時體輕薄為文哂未休爾曹身與名俱

滅不廢江河萬古流

縱使盧王操翰墨劣於魏漢近風騷龍文虎脊皆君

馭歷塊過都見爾曹

才力應難跨數公凡今誰是出羣雄或者翡翠蘭若

上未掣鯨魚碧海巾

不薄今人愛古人清詞麗句必為鄰竊攀屈宋宜方

駕恐與齊梁作後塵

未及前賢更勿疑遞相祖述復先誰別裁偽體親風

雅轉益多師是汝師語意甚悲正是有所激發託於
亦豈易及哉爾曹輕薄不見稱數第三詩又只借盧駱
王反復言之以為縱使不及漢魏風騷畢竟皆異材
也爾曹自負不淺然過都歷塊乃可見耳所以極形
容前輩之未易取也注謂盧王為爾曹是全失先後
語意故又曰才力應難跨數公數謂上所指也翡
翠蘭茗極絕巧之態我不是薄他自謂可方屈師
却恐更墮數公後耳謂與三百篇斷近矣然合師
前人出已上則更自謂信字子山有盛才文章綺麗
為世人所尚謂之度體作哀江南賦尤見稱焉唐武
后初楊炯王勃盧照鄰駱賓王以文之失始齊梁也
為楊王盧駱號為四傑漢魏兩漢及曹魏也過都過
古禾切屈宋屈原宋王也齊梁詩體
格輕麗議者以文之失始齊梁也

集千家註杜工部詩集卷之七

杜集

卷一

五

集千家註杜工部詩集卷之八

寄杜位

公自注位京中有宅近西曲江詩尾有述

近聞寬法離新州想見歸懷尚百憂逐客雖皆萬里

去悲君已是十年流干戈况復塵隨眼鬢髮還應雪

滿頭玉壘題書心緒亂

何時更得曲江遊

夢弼曰新州屬廣南

道公之姪杜位貶新州時朝廷寬其罪移之於近郡按集有杜位宅守歲詩當是明年位即被謫故云已是十年流也 涿曰玉壘蜀之坊名趙曰玉壘在蜀州青城縣公持自成都過青城因寄此詩 夢弼曰曲江在長安為勝遊之地杜位有宅近焉

送裴五赴東川

故人亦流落高義動乾坤何日通燕塞相看老蜀門

杜集

卷八

東行應暫別北望若銷魂凜凜悲秋意非君誰與論

送韓十四江東省覲

兵戈不見老萊衣歎息人間萬事非我已無家尋弟

妹君今何處訪庭闈黃牛峽靜灘聲轉白馬江寒樹

影稀此別應須各努力故鄉猶恐未同歸 此子美自謂深悲極

怨○涿曰荆州西陵峽中有黃牛山江陵縣有白馬州鶴曰白馬州黃牛峽皆出峽之所經也

逢唐興劉主簿弟

鶴曰遂州唐興縣也屬劍南道按唐志莫台道遂州

州皆有唐興縣今詳此詩當是遂州唐興雖天寶初已改為蓬溪乃因其舊名耳

分手開元末連年絕尺書江山且相見戎馬未安居

劍外官人冷關中驛騎疎輕舟下吳會主簿意如何

洙曰劔外謂蜀也關中謂長安也希
曰地志吳亦江東之一都會也

和裴迪登新津寺寄王侍郎公自注王時為蜀牧鶴曰蜀州

右新津縣則新津寺必在蜀州夢弼曰王侍郎乃維之弟縉也維有別業在鞞川裴迪從之遊鞞川荆林迪從縉來蜀縉守蜀州蓋在高適之後

何恨倚山木吟詩秋葉黃蟬聲集古寺然自鳥影渡寒

塘風物悲遊子登臨憶侍郎官人侍郎皆故老夫貪

佛日隨意宿僧房夢弼曰古話貪佛不貪僧田曰

敬簡王明府鶴曰王明府當時遂州唐興縣弟待此殆因劉而簡之公又嘗為王作唐興縣客館記同是年作為

葉縣郎官宰周南太史公神仙才有數流落意無窮

杜集 卷八 二

驥病思偏秣鷹秋怕苦籠看君用高意耻與萬人同

他人用衆人字○洙曰後漢王喬為葉令有神術或曰郎古仙人王子喬也明帝王郎官上應列宿出宰百里前漢司馬遷傳是歲天子始建漢家之封而太史公留滯周南不得與從事

重簡王明府

甲子山南異冬來只薄寒江雲何夜靜蜀雨幾時乾

行李須相問窮愁豈有寬君聽鴻鴈響恐致秘梁難

夢弼曰甲子記時節也西南謂蜀地也洙曰楚詞泥汚后土今何時乾左傳注行李行人也

因崔五侍御寄高彭州適一絕

百年已過半秋至轉飢寒為問彭州牧何時救急難

聞斛斯六官未歸鶴曰斛斯六名融按公江畔尋花詩有自注云斛斯

融吾酒徒
者是也

故人南郡去去索作碑錢本賣文為活翻令宰倒懸

荆扉深蔓草土鏗冷踈煙老罷休無賴歸來省醉眠

鄭曰鏗粗卦切鶴曰蜀人以鏗為鏗王褒土鏗無煙是也

徐卿二子歌

鶴曰公在成都時徐知道為西川兵馬使今題云徐卿無乃是

知道也

君不見徐卿二子生絕竒感應吉夢相追隨孔子釋

氏親抱送並是天上麒麟兒大兒九齡色清澈秋水

為神玉為骨小兒五歲氣食牛滿堂賓客皆回頭吾

知徐公百不憂積善衮衮生公侯丈夫生兒有如此

杜集

卷八

三

二雛者名位豈肯卑微休

洙曰徐陵年數歲家貧携見寶誌上人誌以手摩頂

曰天上石麒麟也尸子虎豹之駒雖未成文已有食牛之氣

贈花卿

鶴曰花卿即敬定也

錦城絲管日紛紛半入江風半入雲此曲祇應天上

有人間能得幾回聞

趙曰古歌辭載林鍾官水調入破第二云錦庭絲管晚紛紛半

入靈山半入雲此曲多應天上有人間能得幾回聞

百憂集行

鶴曰王筠行路難云百憂俱集斷人腸

憶年十五心尚孩健如黃犢走復來庭前八月梨棗

熟一日上樹能千迴即今倏忽已五十坐卧只多少

行立強將笑詒供主人悲見生涯百憂集入門依舊

四壁空老妻親我顏色同癡兒未知父子禮叫怒索

飯啼門東鶴曰公生於壬子至是年恰五十山谷曰即今倏忽已五十舊本云只今年纔五六

十此語似方六七十如五六十也鶴曰主人指成都尹也按公以乾元二年冬至成都時裴冀公為尹次

年三月李若幽代是年二月崔光遠代光遠尋以討

又當是指崔李也漫史詩話云叫怒索飯啼東門又

云用激壯士肝說者謂庖厨之門在東肝主人非偶

就韻也可

石犀行沭曰華陽國志秦孝文王以李冰為

君不見秦時蜀太守刻石立作三犀牛自古雖有飲

勝法天生江水向東流蜀人矜誇一千載泛溢不近

壯集卷八

張儀樓今年灌口損戶口此事或恐為神羞終藉隄

防出衆力高擁木石當清秋先生作法皆正道詭怪

何得參人謀嗟爾三犀不經濟缺訛只與長川逝但

見元氣常調和自免波濤恣彫瘵安得壯士提天綱

再平水土犀奔茫沭曰石犀五今云三犀牛未詳夢

橋二頭沉之深淵水又自前堰上分穿羊摩江灌口

西於王女房下自涉郵作三石人立水中與江神要

壺竭不至足盛不沒肩迄今蒙福厭勝字見漢書厭

築遂得立於是又作樓以定南北樓高一百尺至今

傳云張儀樓夢弼曰寰宇記彭州有灌口鎮鎮西有

王女祠祠西有李冰廟孫季昭曰杜公詩或以安符

二字為結句蓋切有望於天下後世者不淺也

為秋風所破歌曰安得廣厦千萬間大庇天下寒士
俱歡顏洗兵馬云安得壯士挽天河淨洗甲兵長不
用石犀行云安得壯士擲天外使人不疑見本根凡此皆
箏行云安得壯士擲天外使人不疑見本根凡此皆
合不盡之意

江漲

江發蠻夷漲山添雨雪流大聲吹地轉吹字難下高浪蹴

天浮魚鼈為人得蛟龍不自謀輕帆好去便吾道付

滄洲洙曰蜀水之源皆出夷地鶴曰蜀山高而陰長年雪不消故今云江漲而有雨雪流也

朝雨

涼氣曉蕭蕭江雲亂眼飄風駕藏近渚雨燕集深條

黃綺終辭漢巢由不見堯草堂樽酒在幸得過清朝

杜集

卷八

五

洙曰泰四皓夏黃公綺里季入漢朝既定太子位遂辭歸隱於商山夢弼曰逸士傳巢父聞許由之為堯所讓也曰汝何不隱汝形藏汝光由悵然不自得乃遇清冷之水洗其耳

晚晴

村晚驚風度庭幽過雨露夕陽薰細草江色映疎簾

書亂誰能帙杯乾自可添時聞有餘論未怪老夫潛

夢符曰后漢王符著潜夫論

病柏

有柏生重岡童童狀車蓋偃威龍虎姿主當風雲會

神明依正直故老多再拜豈知千年根中路顏色壞

出非不得地蟠據亦高大歲寒忽無憑日夜柯枝改

丹鳳領九雛哀鳴翔其外鷗鴉志意滿養子穿穴內
客從何鄉來竚立久吁怪靜求元精理浩蕩難倚賴
十朋曰蜀志先主舍東南角籬上有桑樹高丈餘遙望童童如小車蓋洙曰建康實錄鳳將九雛再見於豐城衆鳥從之蕪曰東海何承天除著作年已邁諸佐郎並年少荀伯呼為姁母承天云卿當云鳳凰將九子姁母何言耶趙曰元精字出後漢書元精所生王之佐臣

病橘

羣橘少生意雖多亦奚為惜哉結實少酸澀如棠梨
剖之盡蠹蟲采掇爽其宜紛然不適口豈止存其皮
蕭蕭半死葉未忍別故枝玄冬霜雪積况乃迴風吹
嘗聞蓬萊殿羅列瀟湘姿此物歲不稔玉食失光輝

杜集

卷八

六

寇盜尚憑陵當君減膳時汝病是天意吾愁罪有司
憶昔南海使奔騰獻荔枝百馬死山谷到今耆舊悲

夢弼曰昔漢武帝會羣臣於蓬萊殿羅列瀟湘之橘以為珍果瀟湘有橘田有橘洲每歲入貢也希曰書惟辟玉食又漢書注工食謂羹食如玉也洙曰天子徹樂減膳示自責也吾愁罪有司愁一作諗田曰漢和帝時南海獻龍眼荔枝十里一置五里一埃奔騰險阻死者繼路唐羗為臨武長上書言狀和帝罷之洙曰唐書貴妃嗜荔枝必欲生致之乃置驛傳送走數千里其味未變已至於京師也修可曰唐之時乃涪州貢荔枝今公言南海者蓋借漢時事以譏也

枯櫟

蜀門多櫟樹高者十八九其皮剝剝甚雖衆亦易朽
徒布如雲葉青青歲寒后交橫集斧斤凋喪先蒲柳

傷時苦軍乏一物官盡取嗟爾江漢人生成復何有
有同枯櫟木使我沉歎久死者即已休生者何自守
啾啾黃雀啁側見寒蓬走念爾形影乾摧殘沒藜莠
沫曰蜀人取櫟皮以充用當軍興誅求尤
急鄭曰取此苟切痺竹角切字又作啄

枯柟

梗枿枯崢嶸鄉黨皆莫記不知幾百歲慘慘無生意
上枝摩皇天下根蟠厚地巨圍雷霆折萬孔蟲蟻萃
凍雨落沆膠衝風奪佳氣白鵠遂不來天雞為愁思
猶含棟梁具無復霄漢志良工古昔少識者出涕淚
種榆水中央成長何容易截承金露盤裊裊不自畏

杜集

卷八

七

趙曰楚辭使凍雨兮洒塵郭璞爾雅注江東夏月暴
兩呼為凍雨衝風隧風也楚辭衝風至今水揚波鶴
曰爾雅翰一名天雞赤羽之鳥也夢弼曰漢武帝於
建章宮作承露盤銅柱高二十丈上有仙人以手掌
承露

所思

苦憶荆州醉司馬公自注崔吏部猗 謫官樽酒定常開九江

日落醒何處一柱觀頭眠幾回語頗豪宕 可憐懷抱向人

畫欲問平安無使來故憑錦水將雙淚好過瞿唐灘

頽堆甚是鍾情○夢弼曰崔公蓋自吏部而謫荆州
司馬也洙曰九江尚書注江於此分九道也復齊謾

志一水而曰九江尚書注江於此分九道也復齊謾
錄云老社詩中屢用一柱觀按張華博物志江陵有

臺甚大而唯有一柱觀梁劉孝綽江津寄劉之遴云經過
履觀或曰一柱觀梁劉孝綽江津寄劉之遴云經過

一柱觀出入三休臺是也洙曰瞿唐峽名灩澦石名
荆州記云灩澦頭如馬瞿唐莫下灩澦頭如象瞿唐莫上
蓋舟人以灩澦頭為水則也

進艇

南京久容耕南畝北望傷神坐北窻晝引老妻乘小

艇晴看稚子浴清江俱飛蛺蝶元相逐並蒂芙蓉本

自雙亦觀物自得之意反語如此若飲蔗漿携所有瓷甕無謝玉

為缸洙曰時明皇幸蜀后號成都為南京置尹比兩都

草堂即事

荒村建子月獨樹老夫家是第二句雪裏江船渡風前逕

竹斜寒魚依密藻宿鷺起圓沙蜀酒禁愁得無錢何

杜集 卷八

處賒

徐九少尹見過

晚景孤村僻行軍數騎來交新徒有喜禮厚媿無才

賞靜憐雲竹忘歸步月臺何當看花藥欲發照江梅

魯曰唐以少尹為行軍長史有節度使即謂之行軍司馬也

范二真外邈吳十侍御郁特枉駕闕展待聊

寄此作

暫往北鄰去空聞二妙歸幽棲誠簡略衰白已光輝

野外貧家遠村中好客稀論文或不愧重肯款柴扉

洙曰晉尚書令衛瓘與尚書郎索靖俱善草書時人號為一臺二妙

五十七侍御掄許携酒至草堂奉寄此詩便

請邀高三十五使君同到鶴曰王侍御終於

有哭王彭州掄詩柳芳歷曰高適乾元初刺

彭州明年公容泰州嘗有寄彭州高使君詩

上元初適移刺蜀州而公至成都嘗燕公于

浣花溪州將高適建光亦叙其自作蜀州先主

廟碑載州成都尹崔光遠罷以高適攝故適

也鶴曰時成都尹崔光遠罷以高適攝故適

在成

老夫卧穩朝慵起白屋寒多暖始開江鸛巧當幽徑

浴鄰雞還過短牆來繡衣屢許携家醞皂盖能忘折

野梅戲假霜威促山簡霜威促山簡語殊須成一醉

習池迴洙曰漢侍御有領綉衣直指使又漢二千石

杜集朱兩幡夢弼曰繡衣指言王侍御皂盖

指言高使君也趙曰霜威言御史霜臺之威也晉山

簡鎮襄陽時荆土豪族習郤有佳園池山簡每出遊

多之池上置酒輒醉而歸夢弼曰霜

威言王侍御山簡又以此高使君也

王竟携酒高亦同過共用寒字

卧病荒郊遠通行小徑難故人能領客携酒重相看

自愧無甦菜空煩却馬鞍移時勸山簡頭白恐風寒

公自注高每云汝年幾小且不必小於我此句戲之

也○夢弼曰甦戶佳切又居諧切集韻吳生菜摠

稱南史庾亮之清貧自業食惟非菹滌並生葦雜

菜任昉嘗戲之曰誰謂庾郎貧食甦常有二十七種

奉寄別馬巴州公自注時甫除京兆功曹在

劍南結廬成都西郭召補京兆以曹參軍不

至會嚴武節度劍南東西川往依馬又按

紀云上年二月建五月以嚴武為成都尹以

是知公之除曹在是年冬也時草堂方成

道路多梗而嚴武
又來是以不赴也

勲業終歸馬伏波功曹非復漢蕭何扁舟繫纜沙邊

久南國浮雲水上多獨把魚竿終遠去難隨鳥翼一

相過知君未愛春湖色興在驪駒白玉珂謂不能就別知必為

我來也春湖豈所居或巴州景物耶○朱曰馬伏波

謂馬巴州也蕭何公自謂也後漢馬援少有大志以

功名自許封伏波將軍修可曰劉貢父詩話云杜詩

功曹非復漢蕭何按曹參嘗為功曹非蕭何也王定

國云高祖紀何為主吏孟康注曰主吏功曹也貢父

之言誤矣二說皆非按兵志虞翻為孫策功曹策曰

孤有征討事未得還府卿復以功曹為吾蕭何守會

稽耳洙曰前漢王式傳注驪駒逸詩篇名也見大戴

禮容欲去歌之其辭云驪駒在門公大夫具

存驪駒在路僕夫整駕珂者馬勒飾也

陪李七司馬阜江上觀造竹橋即日成往來

杜集

卷八

十

之人免冬寒入水聊題短作簡李公鶴曰此詩當是

公在蜀州作詳見後篇高使君自成都回題下注

伐木為橋結構同褰裳不涉往來通天寒白鶴歸華

表日落青龍見水中顧我老非題柱客知君才是濟

川功合歡却笑千年事如此下合歡字驅石何時到

海東龍夢弼曰橋前二柱曰華表故曰白鶴為言也青

甚工則天時橋影破然趙州至石橋馬跪地不進但見

青龍則橋上奮迅而怒乃遁去洙曰成都有昇僊橋

相如初西去題其柱曰不乘馬車不復過此橋書

若濟巨川用汝舟楫趙曰言與賓客落橋之成而

歡飲因笑往事之勞徒驅石以下海也洙曰秦始皇

作石橋欲過海看日出處有神人能驅石下海台去

不速神輒鞭

之石皆流血

觀作橋成月夜舟中有述還呈李司馬

把燭橋成夜迴舟客坐時天高雲去盡江迥月來遲
衰謝多扶病招邀屢有期異方乘此興樂罷不無悲

李司馬橋了承高使君自成都回鶴曰時高適守蜀州

而攝成都故詩云自成都回按九域志成都在蜀州之東故詩中云橋東待使君又知公是

詩在蜀州作也

向來江上手紛紛三日成功事出羣已傳童子騎青

竹認擬橋東待使君洙曰後漢郭汲為并州牧始至行部有童兒數百騎竹馬道次

拜迎

詣徐卿覓果子栽鶴曰集有徐卿二子歌

杜集

卷八

十一

草堂少花今欲栽不問綠李與黃梅石筍街中却歸

去果園坊裏為求來鶴曰果園坊乃徐卿所居處

奉待嚴大夫鶴曰按唐紀上元二年建丑月以嚴武為成都尹今公待其至

詩云不知旌節隔年回乃次年正月也又按舊史武出為綿州刺史劍南東川節度使兼

御史中丞上皇詔以劍南兩川合為一拜武成都尹兼御史大夫充劍南節度此當在乾

元二年裴冕為尹之前蓋上皇以上元二年七月移居西內已不復預國事矣武嘗三鎮

蜀在乾元裴冕之前為一是年為二廣德二年表公為參謀時為三也○寶應元年成都

作

殊方又喜故人來重鎮還須濟世才常怪偏裨終日

待不知旌節隔年回欲辭已微啼鶯合遠下荆門去

鷓鴣身老時危思會而一生襟抱向誰開洙曰偏裨也希曰偏裨字見漢書馮奉世傳趙曰淮南子注鷓鴣大鳥也盡其象著船首以禦水患夢弼曰公闈嚴武至欲辭蜀之巴峽下楚之荆門以逐之也

江詠五首

丁香

丁香體柔弱亂結枝猶整細葉帶浮毛疎花披素艷
深栽小齋後庶近幽人占晚墮蘭麝中休懷粉身念
鄭曰整都念切下也洙曰末句言丁香結實則墮於蘭麝間而有粉身之患也

麗春

百草競春華麗春應最勝少須好顏色多漫枝條剩

杜集

卷八

三

紛紛桃李枝處處總能移如何貴此重却怕有人知

梔子

梔子比衆木人間誠未多於身色有用與道氣傷和
花外義外忽得精語紅取風霜寶背看雨露柯無情移得汝貴在映江波
夢弼曰名山志按石山多梔子其色可以染帛其性極冷其實經霜則紅此物最有

也用

鸚鵡

故使籠寬織須知動損毛看雲莫悵望失水任呼號
六翮曾經翦孤飛卒未高且無鷹隼慮留滯莫辭勞

花鴨

花鴨無泥滓，皆前每緩行。羽毛知獨立，黑白大分明。
可以不覺羣心妬，休牽衆眼驚。稻梁霑汝在，作意莫先鳴。

野望

西山白雪三城戍，南浦清江萬里橋。海內風塵諸第
隔，天涯涕淚一身遙。唯將遲暮供多病，未有涓埃答
聖朝。跨馬出郊時極目，不堪人事日蕭條。
洙曰按高適詩上望還京復分劍南為兩節皮百姓疲於調度而西山三城列戍適上疏論之不納趙曰成都萬里橋公草堂在其西

三絕句

社集

卷八

三

楸樹馨香倚釣磯，斬新花藥未應飛。不如醉裏風吹

盡，可忍醒時雨打稀。

鍾情自道風味宛然○本
作春風先生定作風吹盡

門外鸕鷀久不來，沙頭忽見眼相猜。自今已後知人

意，一日須來一百迴。

無數春筍滿村生。

得興
之始

柴門密掩斷人行，會須上番

看成竹客至，從嗔不出迎。

趙曰上番乃川語上番
則成竹故謂上篔簹竹

畏人

早花隨處發，春鳥異方啼。萬里清江上，三年落日低。

畏人成小築，福性合幽棲。

五字極善自喻門徑從榛草，無心

待馬蹄。

夢弼曰按公自乾元二年冬來成
都至寶應元年春是歷三年矣

可惜

花飛有底急

起語盡精

老去願春遲可惜歡娛地都非少

壯時

四句情景蕭然

寬心應是酒遣興莫過詩此意陶潛解

吾生後汝期

落日

落日在簾鈎

別又

溪邊春事幽芳菲綠岸圍樵爨倚灘

舟倚灘之景

且樵且爨真

啁雀爭枝墜飛蟲滿院遊濁醪誰造

汝一酌散千憂

語自放蕩

獨酌

步屨深林晚開樽獨酌遲仰蜂粘落絮行蟻上枯梨

社集

比人元遺山云

卷八

古

薄劣慙真隱幽偏得自怡本無軒冕

行蟻行列之行洙曰謝靈運詩彼美

意不是傲當時

印圍道喟然揚薄劣希曰朱何尚之

廣州段功曹到得楊五長史書功曹却歸聊

寄此詩

衛青開幕府楊僕將樓船漢節梅花外春城海水邊

銅梁書遠及珠浦使將旋貧病他鄉老煩君萬里傳

洙曰李廣傳注云衛青伐匈奴絕大漠克獲帝就拜

大將軍於幕中故曰幕府幕府之名始於武帝征

南越以楊僕為樓船將軍夢弼曰衛青以此廣之府

曰銅梁玉壘皆蜀中地名廣州近庾嶺與南海

浦出珠夢弼曰使將旋詣段功曹也

得廣州張判官叔卿書使還以詩代意下蜀按

公文集有雜述為張叔卿孔巢父作

鄉關胡騎遠宇宙蜀城偏忽得炎州信遙從月峽傳

雲深驃騎幕夜隔孝廉船却寄雙愁眼相思淚點懸

洙曰廣在南故謂之炎州趙曰荆州記巴蜀有明月峽洙曰漢霍去病為驃騎將軍晉張憑嘗謁丹陽尹

劉惔惔留宿明日乃還船須臾出傳教覓張孝廉船便召與同載時人榮之

送段功曹歸廣州

南海春天外功曹幾月程峽雲籠樹小湖日落船明

交趾丹砂重韶州白葛輕韋君因估客時到錦官城

夢弼曰交趾郡及韶州俱屬廣南道丹砂白葛其地所出也估一作教

杜集

卷八

五

魏十四侍御就弊廬相別

有客騎驄馬江邊問草堂遠尋留藥價惜別到文場

留藥價甚雅入幕旌旗動歸軒錦繡香時應念衰疾

書跡及滄浪趙曰漢桓典為侍御史常乘驄馬時人

書跡及滄浪公詩所謂百花池下即滄浪者是也洙曰跡一作疏

從韋二明府續處覓綿竹三數叢夢弼曰按唐志漢州

有綿竹縣縣有紫巖山綿竹蓋產於此山也

華軒藹藹他年到綿竹亭亭出縣高江上舍前無此

物幸分蒼翠拂波濤

贈別何邕

鶴曰何邕時為利州縣谷縣尉蓋與公為鄉人按前有憑何十一少

生死論交地何由見一人悲君隨燕雀薄官走風塵

縣谷元通漢沱江不向秦傷心語別五陵花滿眼停語故

鄉春鶴曰絲谷屬利州而通漢水此言何處行歸漢

別為沱者此公自喻在蜀不入秦禹貢云岷山導江東

贈別鄭鍊赴襄陽

戎馬交馳際柴門老病身把君詩過口念別驚神

地閣峨眉晚天高峴首春為於耆舊內試覓姓龐人

洙曰峨眉山在蜀晚一作曉趙曰峴山在襄陽羊叔

重贈鄭鍊絕句

壯集 卷八 六

鄭子將行罷使臣囊無一物獻尊親江上路遠羈離

日裘馬誰為感激人師曰公言鄭鍊出為使臣其罷

衣輕之人有誰感激而憐之也

嚴中丞枉駕見過公自注嚴自東川除西

元戎小隊出郊坰問柳尋花到野亭川合東西瞻使

節地分南北任流萍扁舟不獨如張翰翰不音卓帽

應兼似管寧寂寞江天雲霧裏何人道有少微星洙

蜀分東西兩川趙曰公自蜀望長安則長安為北而

蜀為南也洙曰晉張翰字季鷹會稽賀循赴命入洛

經吳閭門於船中彈琴翰初不相識乃就循言大相

欽悅問猶知其入洛翰曰吾亦有事北京便同載而

去不告家人後齊王同辟為東曹掾因見秋風起思

吳中尊羹鱸魚膾遂同駕而歸夢綸曰卓帽一作白

帽流傳之誤也按魏志管寧字幼安徵命不說居海
上常著卓帽布裙又按杜佑通典魏管寧在家常著
阜帽洙曰隋志少微四星在太微西士大夫
夫之位也一名處士星明黃則處士舉矣

奉酬嚴公寄題野亭之作

拾遺曾奏數行書懶性從來水竹居奉引濫騎沙苑
馬幽棲真釣錦江魚謝安不倦登臨費阮籍焉知禮
法疎枉沐旌麾出城府草茅無逕欲教鋤趙曰公嘗
按唐拾遺職掌諷諫及供奉又按後漢劉聖公傳李
松奉引馬驚則奉引之有馬可證也師曰唐於沙苑
置坊監養馬夢弼曰成都號錦里錦江錦水錦城錦
官城故公詩用之不一也按華陽國志錦江織錦濯
其中色鮮明濯他江不甚如故往來游集看膳亦屢費
山營墅樓館林竹甚盛子姪往來游集看膳亦屢費
百金洙曰晉阮籍性疎懶至為禮法之士疾
之如讐焉屈原卜居寧誅鋤草茅以力耕乎

杜集

卷八

寄題杜二錦江野亭

嚴武

漫向江頭把釣竿懶眠沙草愛風湍莫倚善題鸚

鵠賦何須不著駿驕冠腹中書籍幽時曛肘後醫

方靜處看興發會能馳駿馬終須直到使君灘洙

後漢禰衡字正平氣尚剛傲好矯時慢物見曹操

數有恣言操懷忿而以其才名不欲殺之送與劉

表祖性急故送衡與之祖亦善待焉祖長子射為

黃祖太守允善於衡射時大會賓客人有獻鸚鵡

章陵太守允善於衡射時大會賓客人有獻鸚鵡

者射舉石於衡曰願先生賦之以娛賓賓衡攬筆
而作文無加點辭采甚麗後黃祖大會賓客而衡
言不遜順竟殺之射音亦前漢汝偉傳孝惠時侍
中皆冠駿驕儀即帶鳥也粉化閱籍之屬也注云駿
音峻驕音儀即帶鳥也粉化閱籍之屬也注云駿
中冠駿驕儀即帶鳥也粉化閱籍之屬也注云駿

說嚴武為成都尹與子美世舊符遇甚隆子美於
 浣花里種竹過之有詩不冠故武吟詠與田峻野
 老相狎蕩武不冠又繼言幽靜處欲其謙晦也故
 倚能文而阮籍焉知禮法疎以解嘲也容齋續
 子美和詩云嚴武傳云房瑄然欲殺甫相為巡內刺
 筆云新唐書嚴武厚杜甫然欲殺甫數矣李白
 史武慢倨不為禮最危也甫傳云武曰世舊
 為蜀道難者為時與杜危也甫傳云武曰世舊
 待甫見之或街之一日欲殺甫冠鉤於簾三左
 之乃有此兒武得止舊史但云甫性褊躁嘗憑醉
 右白其母奔救得止舊史但云甫性褊躁嘗憑醉
 登武床斥其父名武不以為忤初無所謂欲殺之
 說蓋唐小說所載而新書以為然子按李白蜀道
 難本以譏章仇無瓊而新書以為然子按李白蜀道
 凡為武者幾三十篇送其還朝者曰江村獨歸處
 寂寞養殘生喜其再鎮蜀曰得歸茅屋赴成都真
 為文翁再剖符猶武在時語至哭其歸櫬及八
 哀詩記室得何遜韜鈴延荆果有欲殺空餘老
 賓容身上媿簪纓又自傷若果有欲殺空餘老
 不應眷眷如此好事者但以武詩有莫倚善題艷
 也

杜集

卷八

六

鶴賦之句故用證前說引黃祖殺禰衡為喻殆是
 痴人面前不得說夢也武肯以黃祖自問乎夢弼
 曰世說郝隆七月七日出日中仰臥人問其故曰
 我晒腹中書也晉葛洪好神仙導養之法自號抱
 朴子著肘後要急方四卷水經魚復縣有羊腸虎
 臂灘楊亮為益州經此而舟覆至今名為使君灘
 也

遭田父泥飲美嚴中丞

步屣隨春風村村自花柳語有天趣政爾田翁逼社

日邀我嘗春酒酒酣誇新尹畜眼未見有迴頭指大

男渠是弓弩手名在飛騎籍長番歲時久前日放營

農辛苦救衰朽差科死則已誓不舉家走今年大作

社拾遺能往否叫婦開大餅盆中為吾取感此氣揚

揚須知風化首語多雖雜亂說尹終在口朝來偶然
出自卯將及酉久容惜人情如何拒鄰叟高聲索果
粟欲起時被肘指揮過無禮未覺村野醜月出遮我
留仍嗔問升斗夢弼曰集韻孫音燮疑也履中薦也
趙曰宋書袁粲為丹陽尹嘗步練白
楊郊野間道遇一士大夫便呼騎軍名也長番獨長
為弓弩手為籍民丁為兵也飛營農謂放歸農耕使
在直也言無更代也夢弼曰放營農謂放歸農耕使
之營生也救衰朽謂子弟得奉養其長上之衰老者
也洙曰郡首縣令風化之首夢弼曰肘
字如史記魏威子肘韓康子於車上

野人送朱櫻

西蜀櫻桃也自紅野人相贈滿筠籠數回細寫愁仍

破萬顆勾圓訝許同憶昨賜露門下省退朝擎出大

杜集

卷八

尤

明宮金盤玉筋無消息此日嘗新任轉蓬

修可曰唐李綽歲時

記四月一日內園進櫻桃
寢廟薦訖頒賜各有差

弊廬遣興奉寄嚴公

野水平橋路春沙映竹村風輕粉蝶喜花暖蜜蜂喧

把酒宜深酌題詩好細論府中瞻暇日江上憶詞源

邀其過我語涉
進退頗自負跡忝朝廷舊情依節制尊還思長者

轍恐避席為門趙曰隋文藝傳云筆有餘力詞無竭

曰陳平家負郭窮巷以席為門然門外多長者車
轍趙曰公欲在嚴公之駕故用陳平事以激之

舟前小鵞兒

公自注漢州城西角官池作

和後歷漢州刺史日所鑿也瑄既死名之曰
房公湖此詩與後篇官池春鴈共三首公嘗

之漢州作也鶴曰按九域志成都北至漢州不滿百里

鶯兒黃似酒對酒愛新鶯引頸嘆船逼無行亂眼多翅開遭宿雨力小困滄波客散層城暮狐狸奈若何

官池春鴈二首

自古稻梁多不足至今鷓鴣亂為群且休悵望看春水更恐歸飛隔暮雲

青春欲盡急還鄉紮塞寧論尚有霜翅在雲天終不

遠力微繒繒絕頃防句意嚴後山概得之故節度森整○夢符曰班固兩都賦撫

鴻量御繒繒(夢弼曰)本一作繒繒音憎短矢也繒音灼生絲縷也言以絲繩繫矢而射之也

奉和嚴中丞西城晚眺十韻

杜集

卷八

三

汲黯匡君切廉頗出將頻直詞才不世雄略動如神

政簡移風速詩清立意新層城臨媚景絕域望餘春

旗尾蛟龍會樓頭燕雀馴地平江動蜀天闊樹浮秦

動字最佳長篇若兩語如此豈不軒豁浮動二字相若而動為勝帝念深分閫軍須

遠算緇花羅封蛺蝶瑞錦送麒麟薛第輸高義觀圖

憶古人征南多興緒事業閫相親閫相親者深欲倚以成功業也惜哉

○洙曰前漢汲黯字長孺武帝名為中大夫以數切諫不得久留內史記廉頗為趙將伐齊攻魏禮蛟龍

為旗軍須師旅之費也漢書武帝初算緇錢注緇絲也以晉錢也謂有儲積錢者計其緇貫而稅之蛟蝶

麒麟錦上絲綉也師曰算緇衰世之法今蜀貢花羅瑞錦以應軍須與算緇者遠矣洙曰霍去病傳上

重愛之馬援傳顯宗圖畫建武中名臣列將於雲臺

以椒房故不及馬援東平王蒼觀園言於帝曰何故
不畫伏波將軍像帝笑而不言夢弼曰晉杜預開府
荊州贈征南將軍公嘗譜預為祖而公與嚴武有世
舊故以預之事業言與武相近也與緒者謂與况緒
也意

短歌行贈王郎司直鶴曰王司直時

王郎酒酣拔劍斫地歌莫哀我能拔爾抑塞磊落之

竒才豫樟翻風白日動鯨魚跋浪滄溟開且脫劍佩

休徘徊西得諸侯棹錦水西得諸侯以下謂王司直

向何門跋珠履仲宣樓頭春已深青眼高歌望吾子

眼中之人吾老矣豪氣激人堂復堂堂○洙曰豫

夢弼曰跋先答切進足也洙曰春申君上客皆躡珠

履王粲字仲宣以西京擾亂依劉表於荊州嘗登樓

杜集而賦因名仲宣樓晉阮籍能為青白眼見禮俗之

士以白眼對之嵇康齋酒挾琴造焉乃見青眼

入奏行贈西山檢察使竇侍御夢弼曰時比

寇欲取成都為東府竇公以御史出檢校諸

州軍儲器械得以便宜入奏公作是詩以贈

竇侍御驥之子鳳之雛年未三十忠義俱骨鯁絕代

無炯如一段清冰出萬壑置在迎風寒露之玉壺蔗

漿歸厨金盃凍洗滌煩熱足以寧君軀政用疎通合

典則戚聯豪貴耽文儒兵革未息人未蘓天子亦念

西南隅吐蕃憑陵氣頗麤竇氏檢察應時須運糧繩

橋壯士喜斬木火井窟猿呼八州刺史思一戰三城

守邊却可圖此行入奏計未小密奉聖旨恩應殊綉

衣春當霄漢立綵服日向庭闈趨省郎京尹必俯拾

江花未落還成都肯訪浣花老翁無為君酤酒滿眼

酤與奴白飯馬青芻趙曰骨鯁者剛正之謂若肉之

有骨而魚之有鱗也宋

迎風寒露之館古詩瑩若玉盤冰言清澈也趙曰漢志

玉招魂云嬌鶯炮羔有蔗漿些定功曰前漢禮樂志

景星歌泰尊柘漿折朝醒注取甘柘汁以為飲可解

醒也柘音蔗鶴曰繩橋在成都即竿橋蓋蜀人以竹

索為橋也師曰蜀有火井縣屬邛州夢弼曰按蜀都

賦注火井欲出其火光以家火投之須史隆隆如雷

聲煇出懶然以竹筒盛之接其光而無灰也夢弼曰

按唐志劍南節度西抗吐蕃南撫蠻獠都督松維恭

蓬雅黎姚悉八川西山三城謂姚巖獠都督松維恭

之要衝洙曰漢暴勝之衣綉衣持斧出使老萊子綵

服以娛親夢弼曰漢夏侯勝曰取青紫如倪拾地芥

耳江花未落還成都一有重句說者謂蜀人酤酒挈

杜集

以竹筒竹筒上有穿繩眼其酤酒者曰滿眼酤言其滿迫筒眼也

卷八

五

中丞嚴公雨中垂寄見憶一絕奉荅二絕

雨映行宮辱贈詩行宮實指所過贈詩之處元戎肯赴野人期江

邊老病雖無力強擬晴天理釣絲山谷曰只此雨映

物句便雅健鶴曰明皇嘗幸成都故得名行宮

何日雨晴雲出溪白沙青石洗無泥只須伐竹開荒

徑拄杖穿花聽馬嘶

王錄事許修草堂貲不到聊小詰

為嗔王錄事不寄草堂貲昨屬愁春雨能忘欲漏時

其題可備口實其詩可刪

謝嚴中丞送青城山道士乳酒一餅

山餅乳酒下青雲氣味濃香幸見分鳴鞭走送憐漁

父洗盞開嘗對馬軍○公自注軍州謂驅使騎為馬軍

嚴公以騎兵送酒也

江上值水如海勢聊短述

為人性僻耽佳句語不驚人死不休老去詩篇渾漫

興甚自負春來花鳥莫深愁新添水檻供垂釣故著浮

槎替入舟馬得思如陶謝手令渠述作與同遊亦自

○趙曰耽佳句而語驚人言其平昔如此今老矣所

為詩則漫興而已無復著意於驚人也故寄語花鳥

無用深愁耳鷓曰陶謝謂陶淵明謝元暉靈運惠連

水檻初成也洙曰陶謝謂陶淵明謝元暉靈運惠連

杜集卷八

輩也楊龜山詞宗會盟曰東坡云詩須有為而作當

以故為新以俗為雅好奇務新此東坡救時之弊猶

晚年極似淵明以俗為雅即非黜新鄙區區守故常

曰以故為新以俗為雅即非黜新鄙區區守故常

而流於俗者也學者宜審而思之恭條嘗謂詩家視

淵明猶孔子美渾涵汪茫千彙萬狀兼古今而有之嘗

還子美子性僻耽佳句語不驚人死不休又曰詩清立

時

洙曰

趙曰

公自注

軍州謂

驅使騎

為馬軍

也

自謂也

漁父公

自謂也

洙曰

趙曰

公自注

軍州謂

驅使騎

為馬軍

號為酒中八仙者王司直即前

為酒中八仙者王司直即前

為酒中八仙者王司直即前

為酒中八仙者王司直即前

戲贈友二首

詩有短歌行贈

元年建巳月郎有隹校書自誇足膂力能騎生馬駒

一朝被馬踏脣裂板齒無壯心不肯已欲得東擒胡

洙曰肅宗上元元年九月詔去年號稱元年以十一
月為歲首月以斗所建辰為名師曰一年號自漢武帝
方有之肅宗欲法上古之制也公詩特著元年
建已月者蓋記錄於此不然何以謂之詩史乎

元年建已月官有王司直馬驚折左臂骨折面如墨

鴛駘漫染泥何不避雨色勸君休歎恨未必不為福

趙曰淮南子云塞上翁馬亡入胡人皆弔之曰何知

非福居數月其馬引胡駿馬而歸人皆賀之曰何知

非禍及家富馬良其子好騎墮而折髀人又弔之曰

何知非福居一年胡人大入丁壯戰死者十九其子

獨以跛故父

子得獲相保

水檻遣心二首 鶴曰公所居草堂有水檻集

夫郭軒楹敞無村眺望賒澄江平少岸幽樹晚多花

杜集 卷八 三

細雨魚兒出微風燕子斜城中十萬戶此地兩三家

蜀天常夜雨江檻已朝晴葉潤林塘密衣乾枕席清

不堪祇老病何得尚浮名淺把涓涓酒深憑送此生

結細潤有味○尹曰蜀中

屏跡二首

用拙存吾道幽居近物情桑麻深雨露燕雀半生成

字呼村鼓時時急漁舟箇箇輕 此兩句語無深趣而

句稱杖藜從白首心迹喜雙清 亂雜奔走自歎多累

可傷燕雀半生成后山詩 輟耕扶日月起廢極吹噓或謂

勢力量與雨露日月字正相配也

晚起家何事無營地轉幽竹光團野色畫外舍影漾

江流失學從兒懶長貧任婦愁百年渾得醉一月不

梳頭趙曰一月不梳頭暗使嵇康絕交書云頭面常一月十五日不洗也

絕句四首

堂西長筍別開門塹北行椒却背村宛曲有趣梅熟許同

朱老喫松高擬對阮生論公自注朱阮劔外相知趙曰行椒蓋行成者

欲作魚梁雲覆湍因驚四月雨聲寒青溪先有蛟龍

窟竹石如山不敢安深曰覆一作復去聲趙曰魚梁乃劈竹積石橫截中流以取魚而溪下有蛟龍窟故未敢安也

兩箇黃鸝鳴翠柳一行白鷺上青天意含西嶺千秋

杜集 卷八

雪門泊東吳萬里船比千秋萬里是甚氣槩非苟也洙曰西嶺即西山也冬夏常積雪鸝曰公在浣花未嘗不繫舟也趙曰公之志每欲南下今言所泊門外之船乃欲往東吳萬里之船也漫叟詩話云詩中有拙句不失為奇作若選之逸詩云偶上城南土骨堆共傾春酒兩三杯子羨詩云兩箇黃鸝鳴翠柳一行白鷺上青天是也

藥條藥甲潤青青色過棕亭入草亭苗滿空山慙取

譽根居隙地法成形

大麥行

大麥乾枯小麥黃婦女行泣夫走藏東至集壁西梁

洋問誰腰鑣胡與羗豈無蜀兵三千人部領辛苦江

山長安得如鳥有羽翅託身白雲還故鄉夢弼曰黃童謠云小

麥青青大麥枯誰當穫者婦與姑丈大何在西擊胡
每句中函問答之詞公是詩句法蓋原於此鶴曰按
集賢梁洋四州屬山南道又按是年羗渾奴刺寇梁
洋等州吐著陷成都此正言吐蕃羗渾奴刺之亂也
師曰時杜鴻漸以蜀兵三千遇賊充突江山險隘士
卒至有介胄生蠟虱而不得休息故云部領辛苦江
也山長

嚴公仲夏枉駕草堂兼携酒餼得寒字

竹裏行厨洗玉盤花邊立馬簇金鞍非關使者徵求
急自識將軍禮數寬百年地闢柴門迥五月江深草

閣寒清健看弄漁舟移白日老農何有罄交歡

即事鶴曰為舞者作

百寶裝腰帶真珠絡臂鞬笑時花近眼舞罷錦纏頭

壯集 卷八 五

沐曰鞬臂衣也以縛左右手於事便也見漢馬后紀
注錦纏頭以賞歌舞者開元時王元寶賞會賓客元
寶富於財而無文采親友問昨日高會有
何佳談元寶望屋良久曰但費錦纏頭耳

少年行

馬上誰家白面郎臨階下馬坐人床不通姓字麤豪
甚指點銀餅索酒嘗寧可取此公少年行每四句止
然已不為少○鶴曰床謂胡床

之類也

嚴公廳宴同詠蜀道畫圖得空字

日臨公館靜畫列地圖雄劔閣星橋北松州雪嶺東
華夷山不斷吳蜀水相通開闢古今渺在言
外盡不足言矣興與煙

霞會清樽幸不空夢弼曰劔閣蜀劔門閣道也星橋
在成都李冰守郡植柏七上應斗

魁七星松州在蜀雪嶺
冬夏積雪即西山也

大雨

鶴曰按是年公有說早上嚴武云今蜀自十月不雨抵建卯非零之時奈久旱何麥者百姓之本百役是出况冬麥黃枯赤種不茂公誠能暫輟諸務疏决囚徒使囹圄一空必甘雨大降但沆氣消則和氣應矣

西蜀冬不雪春農尚嗷嗷上天回哀眷朱夏雲鬱陶
孰熟乃沸鼎織絺成緼袍風雷颯萬里霈澤施蓬蒿
敢辭茅葦漏已喜黍豆高三日無行人二江聲怒號
流惡邑里清矧茲遠江皋荒庭步鶴鶴隱几望波濤
沉痾聚藥餌頓忘所進勞則知潤物功可以貸不毛
陰色靜隴畝勸耕自官曹四鄰出耒耜何必吾家操

杜集

卷八

七

希曰寰宇記秦李冰穿二江於成都城中皆可行舟今謂內江外江是也蜀都賦云帶二江之雙流故成都有雙流縣趙曰左傳汾澮流其惡今言大雨流出穢惡邑里為之清潔也又公以沉痾而得雨涼於是頓忘進藥之勞矣趙曰言兩潤之功雖不毛之地亦假貸而生也

溪漲

當時浣花橋溪水纔尺餘白石明可把水中有行車
秋夏忽汎溢豈唯入吾廬蛟龍亦狼狽况是驚與魚
茲晨已半落歸路跬步踈馬嘶未敢動前有深填淤
青青屋東麻散亂床上書不意遠山雨夜來復何如
我遊都市間晚憇必村墟乃知久行客終日思其居

趙曰狼與狽本二獸名半其體相附而行苟失其一則無據矣故倉皇失據者謂之狼狽音年弭切舉

一足也荀子注殺趾步無以致千

寄高適

鶴曰是年四月代宗即位高適官於蜀召還

楚隔乾坤遠難招病客魂詩名唯我共世事與誰論

北關更新主南星落故園定知相見日爛熳倒芳樽

奉送嚴公入朝十韻

夢弼曰是年四月代宗即位名嚴武還朝寶應

元年秋自成都往綿州至梓州所作

鼎湖瞻望遠象闕憲章新四海猶多難中原憶舊臣

與時安反側自昔有經綸感激張天步從容靜塞塵

南圖回羽翮北極捧星辰渥鼓還思畫宮鸞罷轉春

空留玉帳術愁殺錦城人閣道通丹地江潭隱白蘋

杜集

卷八

天

此身那老蜀不死會歸秦公若登台輔臨危莫愛身

趙曰前漢郊祀志黃帝采首山銅鑄鼎於荆山下鼎既成有龍垂胡髯下迎黃帝帝騎龍以上天故后世

因名其處曰鼎湖鶴曰此言肅宗晏駕也夢弼曰周禮縣治象之法于象魏故闕或謂之象闕或謂之魏

闕南史何胤曰闕者謂之象魏象者法也魏者當塗而高大貌也鶴曰此言代宗踐祚法度日新也夢弼

曰光武紀令反側予自安趙曰唐藝文志有五帳經一卷蓋兵書也夢弼曰漢嚴武還朝詩公若

揖三山老人語錄予美送嚴武還朝詩公若登台輔臨危莫愛身是勸以仗節死義也

送嚴侍郎到綿州同登杜使君江樓宴得心

字

夢弼曰是年秋武赴名東上公送之別於巴西

野興每難盡江樓延賞心歸朝送使節落景惜登臨

稍稍煙集渚微微風動襟重船依淺瀨輕鳥度層陰

檻峻背幽谷，窻虛交茂林。燈光散遠近，月彩靜高深。
城擁朝來客，天橫醉後參。落落有衰氣窮途衰謝意，苦調

短長吟。此會共能幾，諸孫賢至今。公自注：杜使君乃宗人也。不勞

朱戶閉，自待白河沈。師曰：城擁朝來客，言滿城擁送。嚴公早間之來也。參，西方之宿。

蜀在西以江樓之高逼於參星也。趙曰：白河謂銀河也。師曰：不勞閉戶坐待白河之沈，謂天將曙也。

酬別杜二

嚴武

獨逢堯典日，再覩漢官時。未效風霜勁，空慙雨露

私夜鍾。清萬戶曙，漏拂千旗並。向殊庭謁俱承別

館，追斗城。憐舊路，渴水惜歸期。峰樹還相伴，江雲

更對垂。試回滄海棹，莫妬敬亭詩。祇是書應寄，無

杜集

卷八

三

忘酒共持，但令心事在。未肯鬢毛衰，最恨巴山裏。

清猿惱夢思。武自注：昔會泰開，今別巴嶺。○夢，蜀

堯典：蓋引此謂代宗踐祚也。十道志：長安故城形

南似北斗，北似北斗。魏文帝至譙，兄弟渴水，駐馬

書：鞭以賦敬亭，在宣城。謝眺敬亭詩云：此山百里

合沓雲齊，獨鶴朝唳。飢鼯夜啼，行雖紆，組得踐幽

奉濟驛重送嚴公四韻

鶴曰：奉濟驛在綿州。

遠送從此別，青山空復情。幾時盃重把，昨夜月同行。

餘情別恨，列郡謳歌。惜三朝出入榮，江村獨歸處。寂

寞養殘生。感知已之辭。○深曰：嚴武歷明皇肅

送梓州李使君之任。公自注：故陳拾遺射洪人也。篇末有云：殊日拾

遺陳子昂當為縣令段簡收紫憂憤死獄中射洪梓州之屬縣也

籍甚黃丞相能名自穎川近看除刺史還喜得吾賢

五馬何時到雙魚會早傳老思筇竹杖冬要錦衾眠

不作臨岐恨唯聽舉最先火雲揮汗日山驛醒心泉

遇害陳公殞于今蜀道憐君行射洪縣為我一潸然

洙曰漢黃霸為潁川太守治為天下第一後代丙吉為丞相趙曰漢官儀太守五馬蓋天子六馬而諸侯五馬也古樂府客從遠方來遺我雙鯉魚呼兒烹鯉魚中有尺素書筇竹與錦皆蜀中所出公從李使君求此一物也洙曰京房傳舉最當遷徙以課最被舉

苦戰行

苦戰身死馬將軍白云伏波之子孫干戈未定失壯

杜集

卷六

三

士使我歎恨傷精理去年江南討狂賊臨江把臂難

再得別時孤雲今不飛時獨看雲淚橫鵬鵬曰馬將

馬巴州也公別馬巴州亦嘗云功業終歸馬伏波矣蓋去年段子璋反陷遂州綿州意馬巴州領兵會攻之為子璋所勝死於遂州故足詩云去年江南討狂賊以遂在涪江之南也又後篇去秋行云遂州城中漢節在遂州城外巴人稀

去秋行

去秋涪江木落時臂槍走馬誰家兒到今不知白骨

處部曲有去皆無歸遂州城中漢節在遂州城外巴

人稀戰場冤魂每夜哭空令野營猛士悲

觀打魚歌

綿州江水之東津魴魚鰾鱖色勝銀漁人漾舟沈大
網截江一擁數百鱗衆魚常才盡却棄赤鯉騰出如
有神賦得事外潛龍無聲老蛟怒迴風颯颯吹沙塵夔子
左右揮霜刀鱗飛金盤白雪高徐州禿尾不足憶漢
陰槎頭遠遁逃魴魚肥美知第一既飽驩娛亦蕭瑟
君不見朝來割素馨咫尺波濤永相失修可曰陸機
疏魴魚廣而
薄肌肥甜而少肉細鱗之美者也洙曰陶隱居本草
鯉最為魚中之王形既可愛又能神變乃至飛越山
湖所以琴高乘之禿尾槎頭皆魚名洙曰漢中鰾魚
肥美襄陽禁捕遂以槎斷水因謂之槎頭縮項鰾

又觀打魚

蒼江漁子清晨集設網提網萬魚急能者操舟疾若

杜集

宋人

三

風撐突波濤挺义入小魚脫漏不可紀半死半生猶
戢戢大魚傷損皆垂頭屈強泥沙有時立東津觀魚
已再來主人罷繪還傾盃日暮蛟龍改窟穴山根鱣
鮪隨雲雷干戈兵革闕未已鳳凰麒麟安在哉吾徒

胡為縱此樂暴殄天物聖所哀兩篇皆主愛物此篇
賦得又自著神意安

如蕭瑟沉著○定功曰莊子津人之操舟者神滿安
仁西征賦垂餌出入挺义往來鄭曰屈政作倔渠勿

切蒹蕩曰崔豹古今注鯉之大者曰鱣鱣之大者曰
鮪廣雅曰鮪仲春從河西上得過龍門化為龍否則

點額而還張平子賦王鮪岫居蓋鮪居山岫間而能
變化故有山根風雷之句也洙曰春秋繁露曰恩及

蟲魚則麒麟至孝經援仲契曰德至鳥獸則鳳凰翔
希曰書恭矜天祐害虐蒸民用此以喻取魚之虐也

集千家註杜工部詩集卷之八

